

四
明
古
蹟

四明張氏約園開雕

序

旭峯雖以工制藝著稱當時要其文律深嚴兼事考訂不能謂其不受臬堂謝山影響臬堂年世差先旭峯誠未獲與接至於謝山固嘗與論文律矣且異時葉載之孝廉曾稱旭峯當嗣響東沙臬堂雖其自謙疑不於倫實則明清之交至於嘉道閒吾鄉文風臬堂宜推巨擘嗣響者固難乎其繼然細觀杏本堂詩古文學製則當日旭峯胸中時時固儼然有一臬堂在也卽如旭峯所輯四明古蹟詩四卷全錄唐宋以來迄於清初人題詠

四明古蹟序

四明叢書
約園刊本

四明山川景物名勝者此固不足稱述作然不可謂其無資考證雖非梨洲志山水之比亦謝山所爲句餘土音一類書也夫小人有懷土之情況古蹟流傳在在皆爲文物典章之所寄桑梓枌榆之義憑弔焉而不能無動於中者旭峯此書之輯儻亦此意也與余嘗讀杏本堂詩文以爲其古文雖未詣于至高之境要亦一時之好而其以制藝通乎古文本原六經則固不可誣也今刊其所輯四明古蹟詩聊發其爲學大要著之如此界後之人有考焉耳民國二十四年一月後學張壽鏞序

鄞縣志本傳

陳之綱字旭峯嘗授徒於盧氏之抱經樓讀其藏書學問日富乾隆五十五年成進士官國子助教祭酒汪廷珍刻成均課文皆之綱點定之由是文譽益著士之遊京師者多請業其門據杏本久之以目疾乞休歸里為月湖書院山長卒年八十二四明談助之綱夙嗜詩古文詞後被火稿無存者晚年著有焚餘草燼後吟其詩直抒性真法式善陳慶槐諸人皆推重之杏本

四明書院

四明叢書
約園刊本

序一

余留日下餘三十年戊辰夏乞休旋里幸瞻桑梓古蹟
依然前賢遊覽諸作尙堪記憶彙錄一過得詩五百首
大半足補志乘之闕披誦之餘覺洞天福地不啻重尋
夙夢也嘉慶二十二年歲次丁丑三月望後旭峯主人
陳之綱識時年八十有三

序二

近時操選政者每集館閣帖體詩梓以行世而於形勝古蹟未遑留意以其無與科名也不知生長其地罔識枌榆亦未免見哂大雅況吾四明自皮陸九題名重寰宇厥後耆舊名宦寓賢代不乏人凡題詠所著隨在俱成勝蹟不僅劉樊修真興公上昇爲足迹也惜篇章甚富志乘不及徧採旭峯先生晚歲乞假旋里輯古蹟諸作自唐代迄國朝得古今體詩五百首彙爲一帙將授黎棗會病革不果而寢門下士袁生蕙塘念先生哀集

四明古蹟序

一四
約圖刊本

深情敬謹校讎用付剞劂是編之成不特可補志乘所未備卽鄉邦亦藉以增重嗜古者案置一編以資多識於取科名亦非無裨也壬午夏季鋟版將竣蕙塘問序於余予嘉其不辜旭峯先生之意爰弁數言於簡端道光二年歲次壬午夏六月雪楠氏李國撰

四明古蹟目次

卷一

四言古詩

觀聚堂

宋

袁甫

尊明亭

袁甫

妙喜泉

張九成

清風鳴

元

袁桷

弘法泉

國朝

史大成

南舉古蹟五首

全祖望

四明古蹟目次

一

四明叢書
約園刊本

五言古詩

明月堂

宋

舒亶

大小晦山

高元之

西山袁進士墓

王應麟

董孝子墓

謝翱

阿育王山古蹟六首

元

袁桷

錯愕嶺

明

沈明臣

妙高臺

陸欽

鉢盂峯

楊明

大雲庵

楊明

問水石

張憬

雪竇十詠

陸寶

分詠四明古蹟送全謝山

黃公林

國朝胡期恒

梅墟

程夢星

雪竇

馬曰瑄

石窗

方士唐

賀公釣臺

馬曰璐

四明古蹟目次

二 四明叢書
約圖刊本

達蓬山

陳章

補陀山

姚世鈺

竹林

閔華

小西湖

洪振珂

六詔山

陸鍾輝

太白山古蹟八首

全祖望

十洲閣

袁德峻

招寶山古蹟六首

王炳

七言古詩

憶東吳太白山水

宋

王安石

太白嶺

王安石

石橋

高似孫

思四明所居

晁說之

宿四明山

施肩吾

憶四明山泉

施肩吾

妙喜泉

吳潛

達蓬山

謝翱

寶幢山黃文潔公寓室

謝翱

四明古蹟目次

三四明叢書

約園刊本

山澤居

元袁桷

玲瓏巖

明楊明

舊龍湫

楊明

雙鏡池

楊明

活眼泉

劉憲寵

太白嶺

聞龍

祝英臺墓

陸寶

長庚樓

周應治

老香堂

國朝

袁德峻

太白峯龍湫

王爾祿

卷二

五言律詩

四明九題

唐陸龜蒙

四明九題

皮日休

雪竇寺三首

方千

曉發鄞江北渡

許渾

洛伽山

宋王安石

二靈山

王安石

四明山蹟自次

四明叢書
約園刊本

眾樂亭

司馬光

萬金樓

周鏐

澄輝閣

周鏐

姜山石洞

陳曦

慈隱庵

元袁士元

金繩寺

戴良

天井山

許廣大

仙遊觀

明倪光

冰崖

張琦

石峰

張琦

月亭

張琦

石亭

張琦

小江湖二首

楊守陳

堇山莊雜詠四首

李堂

甬江

李堂

天封塔

李堂

積慶庵

張邦奇

谿隱庵

張邦奇

四明古蹟目次

五

四明叢書
約園刊本

鄞山橋

屠僑

擇陽寺

王應鵬

五峯山

王應鵬

候濤山

張時徹

天童山

張時徹

望湖亭

張時徹

極目亭

張時徹

大皎嶺

張懋賢

上塔

張懋賢

阿育王山望海二首

豐坊

鄧峯草堂

豐坊

躊躇嶺

王樾

宅山

萬達甫

小谿

豐應元

東湖

范欽

蕪湖

沈一中

罌脰湖

沈一貫

太白寺

沈一貫

四明古蹟自次

六

四明叢書
約園刊本

廣利寺

沈愷

茂嶼山二首

沈明臣

茂嶼莊二首

沈明臣

太平寺

葉太叔

四明山四首

汪禮約

長庚樓

汪禮約

阿育王嶺

楊承鯤

寶巖寺

楊承鯤

翠巖山

姚涑

佛蹟庵

周應辰

四明九題

陸寶

碧沚

陸寶

竹洲

陸寶

桂井

陸寶

鄧女墓

陸寶

伏翠庵

徐鳳垣

夕照亭

董劍鐸

極月亭望海

謝三賓

四明古蹟
目次

七
四明叢書
約圖刊本

吉祥庵

史大成

晚雲樓

張起宗

靈峯寺

張載

方嶺庵

閻性道

五言排律

兩宿天童寺

宋
謝翹

阿育王寺

明
張時徹

天童寺

林祖述

雲石

陸寶

袁進士祠

國朝 全祖望

卷三

七言律詩

壽聖院

宋 曾鞏

湖心寺

陳瓘

西湖二首

周鏐

青山

舒亶

五峯山

舒亶

西湖十洲

舒亶

四明直隸 自次

入四明叢書 約園刊本

十洲閣

舒亶

三江亭

汪思溫

四明洞天

史浩

入京到西渡

陳著

鎮海樓

吳潛

普陀山

元 趙孟頫

二靈山

烏斯道

東錢湖

袁士元

昌國華山寺二首

丁鶴年

普濟寺

丁鶴年

鄞城草堂

明黃潤玉

陳文介公墓

董琳

四明驛館

成矩

丁家嶺

金湜

涵碧亭

屠瀟

天界寺

張琦

靈谷寺

張琦

平城寺

楊守陳

四明古蹟
目次

九
四明叢書
約園刊本

霞嶼山

楊守趾

分詠育王八景

山橫玉几

倪光

井湧金沙

史鏞

鐙然兩塔

鄒閻

鐘度重關

方震

茶鐺煮月

蔡欽

香篆燒雲

杜英

鹿鳴芝洞

倪鏞

螢照松堂

王政

大雷山二首

張邦奇

天封塔

張邦奇

清道觀

張邦奇

寧波寺

屠僑

映江樓

屠僑

梅子真隱居

王應鵬

東湖

陸銓

金峩山

萬表

四明古蹟

十
四明叢書
約園刊本

杖錫山二首

王守仁

棟塘

楊言

森森亭

李循義

耕讀堂

李循義

賀監祠

陸瑜

東山寺

余洵

南旺湖

林桂

馮灣古井

胡庚

月波山

胡璉

青山寺鍾秀閣

陳銳

福源寺

桂彥良

花嶼湖

王淮

車廐山

時銘

赭山寺

鄭滿

袁文榮公祠

王穉登

闕湖

楊守勤

棹園

楊德政

叢碧亭

戴鰲

四明書蹟目次

十一

四明叢書
約園刊本

仙巖寺

陸鈞

白雲竹院

豐坊

祖關

黃元忠

武陵莊

包大中

雪竇巖

倪復

陶公山

洪性

茂嶼莊

范欽

鄞江先生廟

沈一貫

青玉樓

沈明臣

杖錫寺

汪禮約

化成庵

李生寅

洛伽山禮大士徧閱諸勝

丁繼嗣

南山樓正議公墓

汪綸

榆林戴帥初先生故居

汪綸

千丈巖

袁德鄰

福泉山

陸寶

涵虛閣

陸寶

宅山廟

陸寶

四明古蹟自次

十一四明叢書

約園刊本

謝女廟

陸寶

脩園

陸寶

柳亭

陸寶

竹谿晁園二首

朱金芝

福泉山禮斗亭

國朝
查慎行

光谿天王寺

范光陽

史丞相墓

范光陽

梅湖施都督墓

鄭梁

觀音洞

鄭梁

饗亭

鄭梁

賀季真祠

袁德峻

尊堯書屋

全祖望

董徵君墓

全祖望

潘司舶署

全祖望

四明懷古

陳美訓

七言排律

阿育王寺

明張昇

阿育王寺

沈明臣

四明古蹟目次

十三四明叢書
約園刊本

天童寺

張楷

補陀山

何士晉

洛迦山

葉舜臣

卷四

五言絕句

超然亭

宋晁說之

育王十二題

李觀

太白山

張琦

橫石橋

張琦

疊石巖

楊守陳

茂嶼莊二首

高瀛

桃源谿

沈一貫

大涵山

沈明臣

參差亭二首

汪禮約

玉几峯

余寅

攤書石

盧澗

萬松關

李德繼

舍利塔

楊實

四明古蹟
目次

十四
四明藏書
約圖刊本

舍利塔

錢光繡

天童八詠

楊明

四明十詠

陸寶

育王西塔院三首

周容

小白嶺

聞性善

雲居庵

張美確

剡源九曲

國朝
全祖望

六言絕句

綠雨谿

明
沈明臣

辟塵居

陸寶

霜鏡樓

陸寶

悟香閣

陸寶

育王寺舍利三首

周應賓

四明三佛勝蹟三首

國朝袁時中

七言絕句

建輿山

宋王安石

天童谿

王安石

天童寺

王安石

四明古蹟目次

十五四明叢書
約園刊本

吳使君廟

王安石

桃源谿

曾鞏

碧沚亭二首

樓鑰

小谿道中

樓鑰

天童道上二首

袁燮

百步尖

袁燮

西湖十洲

劉理

西湖十洲

王亘

西湖十洲

陳瓘

西湖十洲

舒亶

四明十二題

舒亶

超然亭二首

晁說之

蔡山渡

高似孫

更幽亭

陸游

育王四詠

范成大

四香亭四首

盛次仲

占春亭

吳潛

是亦樓

袁裒

四明古蹟

自次

六四明叢書

約園刊本

鎮明嶺

元袁士元

朝元閣

劉仁本

東錢湖古蹟

明李堂

旅泊庵

李麟

旅泊庵

屠隆

東錢湖

余有丁

大梅山

沈一貫

五柳莊二首

沈一貫

武陵山

沈明臣

古天童

楊明

五磊峯

周禮

坐禪石

葉憲祖

育王十詠

樂長卿

雪竇三瀑布三首

陸寶

伏翠庵

國朝李暉

西湖十洲追和宋人元韻

袁德峻

趙袁州梅花牆

全祖望

戴仲賢粟中齋

全祖望

四明古蹟 目次

十七四明叢書 約園刊本

曾魯公祠

全祖望

舒中丞園

全祖望

梨花山懷古五首

施江濤

詩餘

丈亭館

長相思

宋楊適

雙檜堂

浣谿沙

樓鐔

候濤山

沁園春

樓扶

老香堂

朝中措

吳潛

翫月臺

小重山

吳潛

四明窗 滿江紅

吳潛

澗山湖 滿江紅

吳文英

西湖 如夢令

陳著

芙蓉園 山花子

明戴澳

清道觀 蝶戀花

國朝劉天相

四明古蹟 目次

大 四明叢書
約園刊本

四明古蹟卷一

清鄭陳之綱旭峯輯

四言古詩

袁甫

觀聚堂

習庵築室扁曰觀聚堂前何有萬象可觀山如郭郭煙
 雲吞吐草木沃若春光媚嫵修篁漫山不知隆暑何況
 秋空呼月入戶朔風吹雪松聲如怒上天下地四方曰
 宇物生其間何可勝數我於是觀樂哉斯土隨意作室
 不華不竦買山旋添稍葺園圃得趣幽閒不入城府良
 朋偶來傾倒肺腑不及時事惟談鄒魯朋去何爲周易
 一部消息盈虛窮今亙古觀乃自觀寂無一語

尊明亭

非德不尊非道不明爰取斯義以名吾亭亭在山巔氣
 象巍然山從何來蜿蜿蜒蜒我坐亭上極目一望羣峯
 畢朝尊無與抗我撫亭下萬狀難寫一分明入我醜
 罍有時攜筇借二三朋莫知我心獨撫孤松

張九成

四明古蹟卷一

約開刊本

妙喜泉

心外無泉泉外無心是心卽泉是泉卽心或者疑之以問居士心在妙喜泉是育王云何不察合而爲一居士曰來汝其聽取妙喜未來泉在何處妙喜來止泉卽發生心非泉乎泉非心乎謂余未然妙喜其決之

袁桷

清風鳴

清風之鳴石列五色風從何來滿袖攜得

史大成

四明古蹟卷一

一四明叢書
約園刊本

弘法泉

未有此泉法從誰液謂泉卽法泉從誰闢霽密雲濬此一脈弘覺溯之迺霽天澤泉乎法乎弘之無斃水非石鑿而能入石

全祖望

南皋古蹟

四香居

四香迸合以娛之子芳風不散鳳鳥萃止茶煙酒氣掩映晴霞誰云下界列仙所家

息廬

蝸角小廬薪火脈脈誰云坐忘羣動所宅藏焉修焉棲
神於寂願憐憧憧惠我三益

挂松軒

長松礪砢如龍之吼小軒挂之驚濤穿肘昔者諸公同
聲和鳴上有兔絲下有茯苓而今寥寥愁遺一老兀坐
此軒歲寒不槁

竹湖坊

當年后岡文苑之雄自桓谿來宅我湖東累傳怡庭以
經術起證人講社首座是擬格物心傳不肯隨聲乃來
湖南以授諸生菴竹漪漪崇坊故址絳紗臨之有斐君
子

雲在樓

太邱諸眷同源異流曰故太僕園林清幽惜哉雋才而
乏大節佳郎一灑足稱英傑乃偕同社素心相於割我
第宅以諧喁于竹湖之旁有雲五色繫之維之永朝永

夕

五言古詩

舒 宣

明月堂

引月貯虛堂堂高附南極我當盛暑來萬象生秋色堂
豈朝朝新月亦有時蝕一寸坐禪心萬古磨不得

高元之

大小晦山

大晦出小晦過盡山峯翠寒雲抱幽石柘卉老孺瀨沿
流路偏側當道屋破碎卻立重回首瀑布瀉雲背

王應麟

四明古蹟卷一

四 四明叢書
約園刊本

西山袁進士墓

天柱不可折柱折勢莫撐九鼎不可覆鼎覆人莫扛袁
公烈丈夫獨立東南方欲以一己力代國相頡頏適遭
宋祚移恥爲不義戕奮然抱志起誓欲掃欃槍拔劒突
前麾手回日月光賊勢愈猖獗山摧失忠良嗚呼絕倫
志不得騁才良妻孥悉從溺枯骨誰爲襄忠烈動天地
游魂爲國殤山水倍堪悲抱恨徹穹蒼穹蒼幸一息庶
幾紀星霜西風白楊路哀猿號崇岡解劒挂墓柏泣下
沾衣裳惜哉時不利抽毫述悲傷

謝翊

董孝子墓

修修古孝子家移來水旁母病食此水母死葬其鄉殺
人自白吏就家起爲郎至今廟下草猶帶食水香

袁桷

阿育王山古蹟

陶隱居戒室

勾曲華陽天松風愛謾處靜上層樓梁武何由驢脫
塵契育王受戒了緣夙

四明古蹟卷一

五 四明叢書

約園刊本

璘公供奉泉

密密石叢盤涓涓雲竇出孝思格山林甘泉隨杖溢肝
江拈韻歌事與慈湖一

璉公辭鉢亭

賜詩建閣藏仁皇卽是佛龍腦鉢堅辭物原無有物心
清松下風玉几憑崒屹

坦長老還金坊

受人寄金託險阻冒萬里完璧歸還主非爲名利起一
片信行堅表裏玉壺水

臬公歸祓閣

毘耶杜口人談玄莫逆契繆醜嫉惡深焚牒居瘴癘歸
放赤堇山般若田普濟

王文公祠

半山執政偏憇獨施鄞土斗門東谷間利澤霑尤普漠
漠茂草區誰還問祠宇

沈明臣

錯愕嶺

錯愕復錯愕度之若昇天居然蜀道險落來吾眼前三

四明古蹟

卷一

六

四明叢書

約園刊本

上五迴顧十行九步顛捫雲手不定躋險腳到肩峯欲
壓面墮石疑撐背穿景奇心頗快路迫愁仍煎前得平
者笑後遭危者憐汗落不可掬息陰坐茫然

陸 鈇

妙高臺

石徑入迂迴高臺出林杪遠岫迎歸雲層巒礙飛鳥崖
崩樹交撐壇寂花誰掃凌風一振衣清曠絕塵抱仰接
煙霞重俯視樓觀小安得鞭蒼虬翛然下蓬島

楊 明

鉢孟峯

太白聳奇峯宛然類僧鉢肖形天地初爐火幾滅沒淨
水不可持降龍亦虛說留與登高人倚雲觀海月

大雲庵

大雲晴不收覆此巖下屋嵐氣侵石牀松陰散棋局入
林樵徑深接笕山泉曲花時一再過煮茗話幽獨

張景

問水石

絕壑探幽蹤迂迴踏層岌其上饒古苔萬木中獨立悠

四明古蹟卷一

七四明叢書

約園刊本

然山鳥啼活活流泉集鳥去泉不停誰詢風雨急

陸寶

雪竇十詠

含珠林

珠林昔全盛紺宇明青叢沃若有時盡飄蕭霜霰中日
落鬼車啼天寒媚獸攻一抔今尙爾萬劫等虛空

錦鏡池

池荒寶鏡缺弔古空延竚石贅爲沙田蓮根斷禾黍雙
谿幸不涸鋤鍤非難舉坐待綠波生萍開戲魴鱖

翰林松

千尺老龍鱗槎枒臨古道陰迎入寺車韻冷侵階瀑斧
斤幸已免簪紱終非好請移玉局封寵以山林號

黃巢冢

朝方虎狼爭暮爲螻蟻屬白骨爾何知春風墳草綠世
界本河沙人命如轉燭試聆遇雪言天刑安可贖

妙高峯

排雲入中峯層厓互林莽陟險始得平臺基覆如掌松
下聞戒香茅茨奉金像不見驅虎僧千載空偃仰

四明古蹟卷一

八四明叢書

約園刊本

銷梵臺

形訝車轂轉勢同砥石平青松爲假蓋蔓草不敢生鳴
磬出定餘長此事經行人亡神獨炯遺咒駭山精

應夢碑

是夢亦非夢馳神徧邱壑空留異代碑遠紀登封略雲
蒸綠字暗日射奎光落稽首雙樹林豈羨華胥樂

桃花坑

桃花深淺色乃在石壁上苔黏落似遲日炙嬌相向執
有旣非繪觀空併無相滄山悟道時半偈留方丈

藤龕

雪山有古龕石上盤藤枝瘦與影相似蔓留衣倒垂至
今雙趺跡髣髴夜禪時欲續高僧傳彌深雲外思

石筍

拔地凡幾尺孤撐若有根綠苔飽雲氣古籟舒苔痕迥
截野僧指形奇山鬼捫他年參玉版法性本同源

分詠四明古蹟送全謝山

胡期恆

黃公林

四明古蹟

九四明叢書

約園刊本

黃公居商山其產自東越暨夫采芝時遊戲偶一出至
今餘長林清風自蕭屑先生歸歟處門外無俗轍

程夢星

梅墟

孫郎屠梅龍其一飛定海橫江互爲墟巨核誰所采仙
巖梅子真丹竈至今在與子訂春遊花時尙我待

馬曰琯

雪竇

積雪蕭蕭古六月寒如冬當年開講席此日留禪宗清

露翻宿鳥陰雲蟠
蠶龍先生讀書暇
時倚一枝筇
方士塵

石窗

山石高突兀面面
做疏櫺
日月光洞達
長年戶不扃
先生此棲遁
看山雙眼青
我欲從之游
攬身凌滄溟

馬曰璐

賀公釣臺

幽棲本足樂
何必定爲官
千載留釣石
至今溪水寒
遂初羨此老
君歸亦故山
相思時有寄
遺我一漁竿

四明古蹟卷一

十四朋齋書

約園刊本

陳章

達蓬山

秦皇昔東遊
高峯駐黃屋
胸中有蓬萊
滄海視平陸
惜未銘李斯
竟爾輸徐福
不知望見無
君歸試遐矚

姚世鈺

補陀山

補陀落迦山
南溟浮紫鼻
曾棲梅子真
亦現觀自在
我非佛弟子
大藥故思採
目送朔風帆
遐心寄瀛海

閔華

竹林

眞儒棲息地草木常如新清風滿林下立節高嶙峋
迄今五百年此中乃有人扁舟竟歸去著作同等身

洪振珂

小西湖

澄湖落天光空明似秋月人煙接渺瀰鷗鷺閑出沒
十洲花影交半夜漁歌發君歸泛雪篷吟情自超越

陸鍾輝

六詔山

四明古蹟卷一

十二四明叢書

約園刊本

剡溪第一曲右軍昔居此累卻鷺羽車逃名如敝屣尙
有滌硯池風吹墨濤起先生且暫歸但恐不免爾

全祖望

太白山古蹟

玲瓏巖

洞天東諸峯太白最居上其中玲瓏巖小有洞天曠定
是長庚精巧琢儼童狀

龍禁水

堊封萬龍湫太白分一窩秋風颯颯來落葉不敢過須

憑至誠格豈恃誕咒多

虎跑泉

吾聞虎嘯風不聞能生水忽然風水遭至文發天髓平地作滄溟神力亦已偉

方響石

金庭有動石四面俱作聲未若此山骨中含太古清風靜雨亦止餘響猶鏗鏗

鬼谷祠

古祠三面山青谿一道水中有遯世人相傳鬼谷子三

四明古蹟卷一

十一四明叢書

約園刊本

復景純詩遊仙應在此

鎮蟒塔

唐僧禪力定片刻鐵蛇收鎮以窳堵波巍巍千百秋至今小白嶺猶賸石饅頭

伏虎亭

智和海尊者談經來二虎一去一長侍性善任摩拊山君今斂迹涼風生亭午

攔路庵

禪心莫外馳截然忽攔住一自出庵外南北東西路吾

今勸學者寧靜安其素

袁德峻

十洲閣

曼倩記十洲詭偉恣臆作安得乘羽輪而向虛無索誰
知閻風樓移作水仙閣島嶼縈汀洲仙山儼相若泛彼
沙棠舟登臨興所託波光簾外明峯翠鏡中落靜觀極
萬類悠然見飛躍何必尋蓬壺天然有邱壑

王炳

招寶山古蹟

四明古蹟

卷一

古

四明叢書

約園刊本

棋子枰

剖橘遺楸枰何年懸石壁日月拈雙子冷熱劫互覓萬
古局未終勝負猶寂寂

仙人洞

仙來山有光仙去洞無色我欲一探之牽藤刺滿扞縹
緲三神山千古路常塞

威遠城

眾山海門截絕巘雄城列萬里靖鯨鯢叮嚀矗碑碣眼
不識兵戈老翁頭堆雪

補陀寺

海外傳補陀此閒復有寺海外僧延賓此閒僧種蒔一
佛分苑枯兩山各爭翠

石鐫靜廉朱晦翁書

危壁掃空青千古載椽筆海靜不揚波人廉庶免疾帆
檣涉坦途仰止望翠嶽

懋忿室懋王介甫書

大書一片石變法無賸義但喜人媚己忠佞何軒輊空
言付長流青史千年寄

四明書錄卷一

十四四明叢書

約園刊本

七言古詩

王安石

憶東吳太白山水

孤城回首距幾何憶得好處長經過最思東山春樹靄
更憶東湖水波三年飄忽如夢寐萬事感激徒悲歌
應須飲酒不復道今夜江頭明月多

太白嶺

太白巖從東南馳眾嶺環合青紛披煙雲厚薄皆可愛
樹石疏密自相宜陽春已歸鳥語樂溪水不動魚行遲

生民何由得處所與茲魚鳥相熙熙

高似孫

石橋

一石上負昆侖柱一水西奔牛女渚玉幹擗鱗萬松古
夜夜神光放帝宇石滑苔危水一縷四海長依開闢雨
月落未落半規吐雨足敲泉龍擺舞

晁說之

思四明所居

今朝旅恨到何處軒窗直到桃花渡桃花渡上風吹雨

四明古蹟卷一

十五四明叢書

約園刊本

道人芒屨誰來去

施肩吾

宿四明山

黎洲老人命余宿杳然高頂浮雲平下視不知幾千仞
欲曉不曉天雞聲

憶四明山泉

愛彼山中石泉水幽聲夜落虛窗裏至今憶得臥雲時
猶自涓涓在人耳

吳潛

妙喜泉

不是心兮不是佛通身一串金鎖骨趙州參見老南泉
解道鎮州出薺蔔

謝翺

達蓬山

青枝啼鳥波延延方士指海談神仙五雲垂天光屬夜
老父相傳說車駕千官此地佩宛宛舟發黃門止供頓
繞檣赤日護龍旗西北驛書馳羽箭百年塵空滄海晚
月落無人渡瀟灑雞鳴白石爛如銀蓬萊不見亶州遠

西明古蹟卷一

十六 四明叢書

約園刊本

寶幢山黃文潔公寓室

甬東寺裏逢陳若雙袖龍鍾行帶索問知黃公舊避逃
寶幢山下生叢薄日惟一食禱仙靈不願捨得不死藥
仰天呼號得正終一往不復知城郭公初著書文立旁
公死母亡家渡落子爲戶曹娶公女欲敘因由來與語
得與子行林莽閒月落空山識其處

袁樹

山澤居

石窗山樵晉公子獨鶴蕭蕭煙竹裏月湖一頃碧琉璃

高築虛堂水中止堂深六月生涼風萬柄風搖紅旖旎
邊南更有山澤居四面晴峯插天倚

楊明

玲瓏巖

西崖千仞凌蒼穹有巖突出高玲瓏朝霞遠映赤瑪瑙
秋露澹洗青芙蓉朔風一夜吹寒雪化作璇璠更奇絕
老衲開軒靜對餘試取冰花煮團月

舊龍湫

西澗逶迤通石橋虎泉一派來山坳瀉月流雲響瓊佩

四明古蹟

卷一

十七 四明叢書

約園刊本

穿沙觸石鳴仙璫矮牀虛枕近谿曲夜半繁聲滿書屋
起嗅茶童眠不成推窗山月皎如燭

雙鏡池

雙鏡拭開秋萬頃素娥中夜臨妝謁沙邊鷗鷺窺蟾宮
水底魚龍眠桂影野仙踏月池上來坐披鶴氅心顏開
袖中拈出一枝笛吹散碧雲無點埃

劉憲寵

活眼泉

衲僧幾箇眼睛活惟有此泉真活潑一滴疑傳獅子乳

九天倒瀉蒼龍沫源混混兮來無端聲淙淙兮去不歇
君不見波面無風紋自生山頭有月光可撥我來拊手
巖石閒空華何事金鏹撥

聞龍

太白嶺

山雲山雨驅復馳東來海色凌空披有嶺蟠鬱大雲外
高下流泉與石宜行人注目多在足樵子努力行亦遲
太白小白如兄弟自卑自邇同熙熙

陸寶

四明古蹟卷一

十八 四明叢書

約園刊本

祝英臺墓

英臺墓事可疑生求同穴死如斯石裂海枯誓不移入
塾三年心自許聯姻別族期終阻梁郎雖則困沈疴英
臺不忍忘前語海鄉隨牒墓成林墓下經過恨獨深精
誠感得死人心風打船頭天晝陰白楊拍手烏嗁亂靈
旗窈窕迎初禩禩後天開一物無佳人沒石裙留半君
不見韓憑之婦對葬時鴛鴦飛上連理枝留裙故事傳
非誤不爾那有英臺墓

周應治

長庚樓

天童古刹幾千年陵谷滄桑忽變易陰風碭駭鼓谿訝
涿水奔騰立砂石梵仙宮殿變爲塵爾獨巋然靈光闕
毋乃造物神其機復使叢林重肅肅虎跑泉邊法雨深
玲瓏巖畔晴嵐碧異日青林道可成天花應滿能公席
左臣黃

伏翠庵

于公避世居泉石靜氣如秋誰不識嘯堂老人大法家
朝夕從之常自得小築南岑望北岑佳名伏翠翠何深
四明古蹟卷一
十九四明叢書
約園刊本
枯禪參出眞風雅讀之泠泠清人心

袁德峻

老香堂

老桂依然生古香槎枒更比昔年強吳公遺構委芳草
猶是千枝千葉芳君不見蓬萊丹桂明州產瓊林移植
分恩光年年賜宴集題詠清芬吟入玻璃觴廣寒仙種
香更老攀折而今誰手長離離金粟月中在揮斤不用
煩吳剛

王爾祿

太白峯龍湫

鏡湖梅溼蒼龍鬪夜半光生忽青晝樹杪飛泉幾百年
高田低畝皆成就云是東山太白龍亂驅列缺向雲中
我方偶讀懶堂句萬村時雨多濛濛太白峯高白日近
一泓池水龍常隱應與青山迭往來片言不合興孤憤
自是龍性最難馴霖雨蒼生亦苦辛何時獨上孤峯頂
呼取雲歸大海濱

四明古蹟卷二

清鄞陳之綱旭峯輯

五言律詩

陸龜蒙

四明九題

石窗

石窗何處見萬仞倚晴虛積霽迷青瑣殘霞動綺疏山
應列圓嶠宮便接方諸祇有三吳客時來覈隱書

過雲

四明古蹟卷二

一四明叢書

約園刊本

相訪一程雲雲深路僅分嘯臺隨日辨樵斧帶風聞曉
著衣全溼寒衝酒不醺幾回歸思靜髣髴見蘇君

雲南

雲南更有谿丹礫盡無泥藥有巴賈賣枝多越鳥嗥夜
清先月千秋近少嵐迷若得山顏住芝簦手自攜

雲北

雲北是陽川人家洞壑連壇當星斗下樓接翠微邊一
半遙峯雨三條古井煙金庭如有路應到左神天

鹿亭

鹿亭巖下置時領白麝過草細眠應久
朶香飯自多認
聲來月隴尋迹到煙蘿早夜吞金液騎將上絳河

樊榭

樊榭何年築人應白日飛至今山客說時駕玉磨歸乳
蒂緣松嫩芝臺出石微憑欄虛目斷不見羽華衣

潺湲洞

石淺洞門深潺湲萬古音似吹飛羽管如奏落霞琴倒
月漂龍沫穿松濺鶴襟何人乘月弄應作上清吟

青櫛子

四明古嶽

卷一

一一四明叢書

約園刊本

山實號青櫛環岡次第生外形堅綠殼中味敵瓊英墮
石樵兒拾敲林宿鳥驚亦應仙吏守時取薦層城

鞠侯

何事鞠侯名先封在四明相爲連臂飲不作斷腸聲野
蔓垂纓細寒泉佩玉清滿林遊宦子誰爲作君卿

皮日休

四明九題

石窗

窗開自真宰四達見蒼崖苔染渾成綺雲漫更當紗櫺

中空吐月扉際不扇霞未會通何處應連玉女家

過雲

粉洞二十里當中幽客行片時迷鹿迹寸步隔人聲以
杖探虛翠將襟惹薄明經時未得過恐是入層城

雲南

雲南背一川無雁到峯前墟里生紅葉人家發白泉兒
童皆似古婚嫁盡如仙其作真官戶無由稅石田

雲北

雲北晝冥冥空疑背壽星犬能諳藥氣人解寫芝形野

西明古蹟卷一

二三四明叢書

一約國刊本

歇遇松蓋醉書逢石屏焚香住此地應得到金庭

鹿亭

鹿羣多此住因構白雲楣待侶傍花久引麝穿竹遲經
時培玉澗盡日嗅金芝爲在石窗下成仙自不知

樊榭

主人成列仙故榭獨依然石洞闌人笑松聲驚鹿眠井
香爲大藥鶴語是靈篇欲買重樓隱雲峯不售錢

潺湲洞

陰宮何處淵到此洞潺湲敲碎一輪月銷鎔半段天響

高吹谷動勢急歎雲旋料得深秋夜臨流盡古仙

青橘子

山風熟異果應是供真仙味似雲腴美形同玉脂圓銜
來多野鶴落處半靈泉必其元都奈花開不記年

鞠侯

堪羨鞠侯國碧巖千萬重煙蘿爲印綬雲壑是提封泉
遣狙公護果教猱子供爾徒如不死應作躡玄蹤

方干

雪竇寺

四明古蹟卷二

四四明叢書
約園刊本

飛泉濺禪石瓶屢每生苔海上山不淺天邊人自來度
年惟檜柏獨夜任風雷獵者聞鐘磬知師入定回
登寺尋盤道人煙遠更微石窗秋見海山霧暮侵衣眾
木隨僧老高泉盡日飛誰能厭軒冕來此便忘機
絕頂空王宅香風滿薜蘿地高春色晚天近日光多流
水隨寒玉遙峯擁翠波前山有丹鳳雲外一聲過

許渾

曉發鄞江北渡

南北信多歧人生半別離地窮山盡處江汎水空時露

曉蒹葭重霜晴橘柚垂無勞促歸楫千里有心期

王安石

洛伽山

山勢欲壓海禪宮
向此開魚龍腥不到
日月影先來
樹色秋擎出鐘聲
浪答回何期乘吏暇
暫此拂塵埃

二靈山

海上神仙窟
分明作畫圖
山雲連太白
谿水落東湖
路覺行邊斷
亭從僻處孤
直教殷處士
城市迹全無

司馬光

四明古蹟 卷一

五 四明叢書

約園刊本

眾樂亭

橫橋通廢島
華宇出荒榛
風月逢知己
湖山得主人
使君如獨樂
眾庶必深嘆
何以知家給
笙歌滿月濱

周 錫

萬金樓

幾年江上夢黃鶴
意悠悠百尺獨臨水
萬金難買秋杵聲
喧藥市欄影浸漁舟
應有湖中客分身
向此遊

澄輝閣

雄建俯空閣
下瞻霄漢浮
眼將雲漠漠
心寄水悠悠
日

煖鳥飛鏡月涼魚弄鉤行期分此景家在甬西頭

陳曦

姜山石洞

春山多少雨染出碧雲堆巖冷溜常滴人閒洞自開摘
花香入袖題石筆黏苔茅屋在何處桃花流水來

袁士元

慈隱庵

高僧以慈隱遠在石橋西地接支郎寺門臨孝子谿松
陰斜落徑竹影亂侵畦不見中巖老荒村獨杖藜

四明古蹟卷一

六四明叢書

約園刊本

戴良

金繩寺

寂寞唐朝寺頻年客到稀空山孤殿在荒徑一僧歸苔
色驕秋雨松聲振夕暉驚鳥初有託近亦出林飛

許廣大

天井山

攀蘿行鳥道絕壑見龍湫嵐氣千峯雨谿風六月秋冷
泉移別井古寺隱深邱獨愛宅山下梅梁積水浮

倪光

仙遊觀

遙入仙源路碧雲深處幽洞門雙白鶴花徑一青牛別
境天無外長生草不秋偶逢樵者問元日會蓬邱

張琦

冰崖

對面高崖立盤迴石幾層近天多得雪帶雨或成冰夜
皎疑游鹿谿明雜亂藤時將山腳水漸米飯鄰僧

石峯

莫道愛廉隅天然骨立殊不雲秋共老得月夜非孤此

西明古蹟

卷一

七十四明叢書

約園刊本

腳曾登否當頭頗礙無百年吾隱几爲汝有詩道

月亭

明月生東海亭開興較長樹虛通夜色雲薄漏秋光野
博聞人語山書覓字行所嫌猿與鶴嘯白半階霜

石亭

我愛崆峒下幽亭傍石宜豈檐谿影動秋榻辭花移聽
竹留僧久看山得句遲悄然天境裏未有世人知

楊守陳

小江湖

川原四望同舟楫萬方通野色西山雨江聲北渡風玉
泉秋月白錦嶼暮花紅最是農家樂禾麻歲歲豐
碧水紅蘭港清風翠柳渠橋傳周學士庵記魏尚書遠
浦銅盆隱平山石臼虛懷賢并弔古臨眺獨躊躇

李堂

堇山莊雜詠

懶步出柴扉心情與世違偶逢樵父語漸覺故人稀窗
啓流螢亂梁空乳燕歸遊仙空有夢骸骨本來非

紅葉亂紛紛秋光到小村莫憐蒲柳脆幸與菊松存猿

西明古蹟

卷二

入四明叢書

約園刊本

狷糞山果牛羊懸華門石牀涼不寐流水激籬根
步覺行雲緩人驚白髮新水聲宜入夜樹老小禁春欲
與山爲主還留月送賓終南非捷徑何處不容身
薜荔隱山家層巒入徑斜著書人未老習靜思無涯雨
意收黃霧雲容煖白沙課耕前稅額欲免吏如麻

甬江

江柳愧先秋風光卽柳州潮聲疑舊雨暝色弄新愁獨
喜天青眼人驚浪白頭微陽方布煖莫遣瘴雲浮

天封塔

風煖正雲閑危欄怯近攀眼中分世界鳥外列江山南
斗雲霄上東溟浩渺閒乘槎餘逸興高處不愁寒

張邦奇

積慶庵

衝雨入西巖松堂迴隔塵烹泉汲巖骨斲筍抉沙層細
柳千谿暝新禽萬壑春故家文獻在散帙見前人

谿隱庵

捫蘿覓谿隱愛竹坐禪關霽日樹頭樹淡煙山外山登
橋窺爛漫入谷聽絲蠻無限東君意芳樽夜未還

四明古蹟卷一

九四明叢書

約園刊本

屠僑

鄧山橋

望城三十里野市鄧山橋廢壘官奴縣殘碑至正朝青
山初欲暮秋水未全消塊瓦風煙裏扁舟思寂寥

王應鵬

擇陽寺

仄徑穿雲上名山此地尋偶因六月暑來坐萬松陰樹
杪飛晴瀑林閒起夕禽平生勞役念爭似野人心

五峯山

一別茲山久重來鬢已絲雨苗分舊藥風籟露新枝西
嶺雲歸暝東峯月上遲晏公向何處惆悵獨移時

張時徹

候濤山

浩渺疑無地何年此落星洪濤春日白遠樹貼天青陽
谷收漁舶崦嵫列畫屏山僧有真悟對客說玄經

天童山

徑轉諸天近淵深眾壑歸山峯長礙日松霧細沾衣展
席依青草題詩對落暉卻憐雙白鹿時自款巖扉

四明志蹟卷一

十四明叢書

約園刊本

望湖亭

煙霞探不極獨上望湖亭孤嶼懸明鏡羣峯展畫屏舸
舟舒月白松檜匝雲青盡日中山醉人言是謫星

極目亭

曲徑緣青草孤亭古碧空望窮三島外身在九霄中霞
起羣峯亂浪翻夕照紅翩然振衣袂真欲駕長風

張懋賢

大皎嶺

已慰交親望肩輿落翠微雨晴山瀨響風定雪花飛野

鳥窺樵擔沙鷗上釣磯物情多自適我也近忘機

上塔

舍利光存否迴巒試一登捫蘿雲在鞵汲并月隨繩直
拂烏巖坐狂呼玉几憑十年遊覽興今日爲今乘

豐坊

阿育王山望海

信步忽凌虛天風逐嘯呼左窺窮大海右瞰俯澄湖雁
落初開地龍降舊獻珠千年神迹在長此護浮圖

崔嵬一登眺神爽越人天巨浸全心性浮漚悟世緣乾

四明古蹟卷一

十一 四明叢書

約園刊本

坤元氣合日夜化機旋若問桑田事三山在目前

鄧峯草堂

落日浮窗白凌霄入院香酒醒初覺暑天曉細生涼策
蹇陪聽馬談玄叩石桑豈無家可念身世兩相忘

王 挺

躊躇嶺

秋日淡平蕪登攀興不孤翻疑盤谷道還是剡川圖嵐
氣諸峯合谿容眾壑殊何人乘款段四顧爲躊躇

萬達甫

宅山

古殿江村上長林帶晚暉
艇隨巖樹出鳥趁浦雲歸
苔淨春波綠山深野市希
更看農事好隴穗拂羅衣

豐應元

小谿

曉山秋影靜谿水碧於苔
薛荔緣崖古芙蓉隔岸開
十家成市井十里見樓臺
何事歸舟急急悠悠白鷺猜

范欽

東湖

四明古蹟卷一

十一四明叢書

約園刊本

澄波四望空畫舸泝冷風
野寺輕鷗外人家細雨中
菰蒲臨水映洞壑與天通
卽擬尋真去花源杳未窮

沈一中

純湖

煙水最幽絕遙空晚氣涼
潛虬弄波闊去鳥曳雲長
艇進參差蒲花生遠近香
蕭疏邱壑意獨立萬山蒼

沈一貫

罌脰湖

西風罌脰湖積水曠東吳
岸樹微於點江天青欲無
羈

腸終日繞客計一舟孤買酒三家市蕭蕭夾岸蘆

太白寺

拂霧躋危磴披煙數亂山一松承日起羣鳥送雲還細溜經寒澀初苔得雨斑心馳縞衣使獨此伴僧閒

沈愷

廣利寺

凌風採海窟半日與僧便身在青霄上人依北斗邊乾坤分楚越今古此風煙欲訪洪崖迹思參玉屑泉

沈明臣

四明志 卷一

十一 四明叢書

約園刊本

茂嶼山

吾道在青山高風邈自攀穿林分落照坐石俯潺湲碧嶂聞猿嘯青天見鶴還漁樵處處有何用白雲關

曠達恣幽賞其如白日何地深山木老天空水雲多石髓難逢得吾曹且嘯歌不須勞夢寐興至許相過

茂嶼莊

才到東山好身心每晏如滿浮春院酒高枕夜牀書松響山連閣蛙喧水近居五更殘夢醒月落曙窗虛不識尚書貴山中幽事多漁來賣鮮鯉客有饋生鵝雨

外新樓閣雲閒舊薜蘿野人成獨往醉起和農歌

葉太叔

太平寺

泗野白雲屯江聲直到門地靈三佛出寺小一僧尊乞
食村非遠參禪境不喧平生苦塵網願此度朝昏

汪禮約

四明山

紫翠莽縱橫行人不記名天遙平見日雪盡乍聞鶯絕
壁憑雲度長風吹雨晴千秋嵐氣白眞擬海波生

四明古蹟卷一

十四四明藏書

約園刊本

天迥路孱顏危巖絕可攀陰風迴大壑紫氣滿千山月
彩標孤白春聲起暮關幽竒探不盡煙樹水潺湲
明山高鬱律一上一崔嵬雲捲千峯雪風傳萬壑雷扶
桑天外見初日夜中迴目斷塵凡路飄飄鸞鶴來
石棧渺煙霞春臨萬谷花人將身倒影山亦漢通槎翠
溼驚嵐落風深畏日斜扶搖今始信莽莽竟天涯

長庚樓

太白山前寺長庚谿上樓自聞梁棟古只恐竹林秋沆
瀣朝朝入風泉事寧幽遠公能愛客異日倘相求

楊承鯤

阿育王嶺

去去盤雲轉高高望海行到山千澗響入谷萬花明邱
壑夢常往煙霞疾未成興來還不淺翻劇子規鳴

寶巖寺

海雲作遠近一徑轉虛無建水千巖落錫峯當殿紆春
蒸石佛潤香冷寺僧孤尙有蜂房割官家幸不租

姚 涑

翠巖山

四明古蹟

卷一

十五 四明古蹟

約園刊本

深徑曲還曲幽巖空復空匡廬白鹿洞桐柏金庭宮日
月光斜透煙霞氣半籠冥搜兼遠寄步履逐仙風

周應辰

佛蹟庵

那不爲真蹟看來自脫然昇當天際去踏卽石頭穿隻
履追無及雙趺補未全空堂猶可住頂禮向山前

陸 寶

四明九題

石窗

石扇本天成虛中透四明無襦沾薜色有隙漏風聲啓
處金書燦窺時玉女清微雲終不掩髣髴見層城

過雲

壁裂橫天棧尋常雲氣封暗中喧眾水霽後失羣峯賺
鳥歸他樹迷僧問遠鐘若驅仙犬去應躡羽人蹤

雲南

雲南近日光屋古半無霜釀橘先春熟蓼瓜隔歲長茶
香霑鳥嘴蜜色瑩蜂房幾世留丹訣同居不死鄉

雲北

四明古蹟

卷二

十六

四明叢書

約園刊本

雲北樹如薺峯嵐變夕暉冰崖淹鼠迹寒谷斷鷲飛曬
藥呈壇迴疏泉乳洞微時逢仙吏集隔竹啓重扉

鹿亭

孤亭深翠裏地僻野麋多滑想眠時石腥聞舐後莎聲
長和暗溜足逸戲危坡元白仙姿別銜芝日幾過

樊榭

仙成留故榭延望白雲中石露催妝月松垂掃地風銜
書逢野鶴守藥待山童羽節何年降桃枝委棘叢

潺湲洞

沃泉奔洞駛流響作潺湲雨細沈松壑濤清歎石關睡
方龍劫去仙夢鶴驚還爲近丹臺月笙簫夜不閒

青櫛子

青青幾樹攢繞嶂復臨湍味釀丹成液形標石作丸猿
爭拋地響烏戀啄枝殘必待真官取移根插古壇

鞠侯

鞠侯名最古封近地仙居野果分公膳山雲列簿書泉
香賜沐後花綻衣緋餘落月林閒嘯惟應學步虛

碧沚

四明古蹟卷一

七十四男藏書
約園刊本

碧沚全湖勝樓居倍爽然空中盛以水遠處望爲船古
渡低通月春籬冷抹煙書裙思妙手每到墨池邊

竹洲

獨占湖南景行人指竹洲無窮三面水亦有數間樓鳥
悅臨津樹漁牽入屋舟前朝眞隱地花月至今留

桂井

雙樹吾家物蟠枝迴自尊月中先肇種湖底暗通根點
粟成千斛園香在一門郊林秋可借對立若兒孫

鄞女墓

崇法臨橋寺前朝寄檝篇依僧無蘚碣施佛憶花鈿語
尙留春燕魂曾化杜鵑峨峨雙石表幾姓換新阡

徐鳳垣

伏翠庵

草瓢三畝地修竹數竿青養寂長辭客看雲偶過汀院
深花影靜亭午法堂扁留取無言偈他年共爾聽

董劍鏢

夕照亭

氣佳唯日夕幾不辨西東天在孤亭外人來返照中征

四明古蹟卷二

式四明叢書

約園刊本

途帶長碧斷岸隱殘紅髣髴聞歸牧歌聲破遠風

謝三賓

極目亭望海

履危登上塔極目到敲亭山外東湖白檐前滄海青決
皆雙鳥度拂石片雲停誰結山頭舍松風借共聽

史大成

吉祥庵

春草迎人綠山僧靜自怡搓柑香在手刻竹瀝爲詩夜
寂江聲近林深磬韻遲偶尋支遁語不覺性情移

張起宗

晚雲樓

欲歸閑歲月坐老此山秋
楓葉酣千樹松濤吼一樓
無詩不澹遠有夢定清幽
出岫雲何處相應爲客留

張載

靈峯寺

不識蓬萊徑新從鷲嶺過
西連甬水闊東屬候濤多
挂幘松留影吹笙竹理歌
依稀仙路近肯爛此山柯

聞性道

四明古蹟 卷二

九 四明叢書

約園刊本

方嶺庵

泉聲不及雨衣染萬山寒
古屋堆茶竈農人聚午餐
雲排峯足斷葉脫樹頭寬
得句憂相失呼朋舌上看

五言排律

謝翺

雨宿天童寺

城中家斧冰此地絕炎蒸
天食青童捧龍居白氣升
暗鏡猶宿火寢服尙衷緡
客話從前事書傳入內僧
風流今獨盡雲物老相仍
淨榻搜涼臥危欄入醉憑
雨師行

下界烏夢識中乘明發甬南去他山逢智宏

張時徹

阿育王寺

不是煙霞客青山夙有緣松筠隨處好猿鶴與人便拂
袖雲中語聽泉石上眠逍遙堪避世色相爲誰傳蘭若
依山腹朝霞起樹巔但從樵徑引直到斗牛邊瀑布垂
青壁藤蘿挂紫煙相將憑玉几洗藥問靈泉

林祖述

天童寺

四明古蹟卷二

二千四明叢書

約園刊本

鳥道逶迤入招提此勝遊斜陽千嶂夕玉露萬松秋法
界寰中勝珠林望裏道路從修竹轉水向曲池流苔繡
罍曇古雲封寶座幽經幢間白日臺殿沒荒邱絕頂龍
湫見懸崖佛迹留谿聲疑卷壑霧氣欲沈樓午夜聞僧
梵涼思澣客愁興衰都莫問天地總浮漚

陸寶

雲石

瘦骨獨稜然蒼堅積有年侵街餘此頂湧地僅如拳質
豈銷荒礫根應蟄下泉叱爲羊不動射入虎長眠但受

牆蘿掃何嫌，雷水穿坐來。微患仄行者，未窺全滑甚。菝
龜背低難及，兔肩久依蓮。社衲以待竹，林賢秀引雕鞍。
駐滋含阜蓋，鮮埒裁花漸。密池蟄月初，圓氣聚堪蒸。雨
功成待補天，侈談員嶠勝。近在國門邊。

全祖望

袁進士祠

古梵多年廢，荒祠何處尋。譜稱檀越舊，痛以國殤深。佛
火賢王近，嵩呼聖壽臨。人情良叵測，天命故難諶。謝趙
眞無賴，豐皇好合襟。神傷夸父杖，腸斷廣陵琴。黃犢誰

四明古蹟

卷一

王四明叢書

約園刊本

家賣啼鵲繞樹吟，精魂迫桑海。大節壯斟酌，曲筆懷慙
德。私嫌笑褊心，尙書賦哀些。教授補文林，況復酬名德。
還看振故簪，孤兒逃虎口。遺裔佐商霖，帝鑿終無爽。家
聲應素欽，湖邊修潔供。枝上集靈禽，歲薦圭田稻。春烹
鹿野芩，道場存故牒。簿正有遺鶩，世事更消長。忠臣無
古今，百年存廟貌。一旦罹凶祲，椽已盧門用。宮將闕，伯
侵巧辭因貯勅，豪奪不須金。鵲作辭，巢歎鴉。傳毀室音
攢宮猶被掘，蘭若有誰禁。卜築遷郊外，旛幢總水陰。孫
枝競環供社木，更蕭森不腴。河房稅聊充祝，史踪石頭

城兀兀瀉瀆水淫淫血已三年化丹猶九地湛昭明如
在上脣蠻儼來歆明祀終山立豪宗已陸沈由來乘馬
廐何若采薇岑

四明古蹟

卷一

三

四明叢書

茶園刊本

四明古蹟卷一

四明古蹟卷三

清鄞陳之綱旭峯輯

七言律詩

曾鞏

壽聖院

一峯瀟灑背城陰，碧瓦新堂布地金。
花落禪衣松砌冷，日臨經帙紙窗深。
幽棲鳥得林中樂，燕坐人存世外心。
應似白蓮香火社，不妨籃輿客追尋。

陳瓘

四明古蹟卷三

一四明叢書

約園刊本

湖心寺

塵境紛紛俗累增，故尋幽徑訪南能。
湖波浩渺無窮綠，寺屋高低不計層。
詩老新吟工惱客，使君餘暇得陪僧。
棋中得失何時了，一局禊羸未可憑。

周鏗

西湖

使君修禊與民遊，十里笙歌水面浮。
動地風從雲外起，截天霓向雨中收。
登臺已有難并樂，擊壤能無寡和憂。
卻憶內家新賜火，海棠無數出牆頭。

牛鞭初動轉新鶯夢覺池塘選勝行水鑑光中千騎合
山屏影裏萬艘橫雲從布穀原頭過雨向催詩筆下生
藻繪昇平知有待閣梅先已入調羹

舒 亶

青山

鳴雲過雨翠成堆天淡平湖一鑑開萬木號風韻絲竹
千峯帶月上池臺靜無俗駕金鋪地閒有高人玉滿杯
聞道碧桃看欲發劉郎何事不歸來

五峯山

四明古蹟 卷三

二四明叢書 約園刊本

何人縮地海東偏靈嶽分來不計年幾見彩雲爭照日
直疑仙掌欲擎天依稀故國松千尺迤邐前山石一拳
四面開窗看不足老僧時立碧谿前

西湖十洲

洗出塵華紫翠勻再將絕景付重闔千山有影螺垂地
一水無塵鏡照人香濺釣筒萍雨夜綠搖花鳴柳風春
杖藜盡日滄浪興時有幽人岸白綸

十洲閣

綠玉手持尋五嶽正應未識海邊洲倚欄花木參差見

對岸笙歌次第遊煙霽多疑九峯曉波平全勝六鼉浮
仙風隔坐紅塵路消得丹青詫北州

汪思溫

三江亭

危亭聳觀與雲侵勝概何勞杖履尋回合江山真有意
去來鷗鷺本無心歡聲洋溢均千里好句清新抵萬金
四海正需經濟手豈容長對白頭吟

史浩

四明洞天

四明古蹟

卷三

三四明叢書

一約園刊本

風煙偶爾屬吾邦箇箇松筠聳碧幢奎畫百函龍作衛
雲岑四面石爲窗水邊自喜陪振鷺籬外從渠有吠龍
多謝故人迂五馬清談剔盡幾銀釭

陳著

入京到西渡

昨宵北渡今西渡係是離家第二宵詩伴風流勤犯驛
權郎醉飽健迎潮文亭浦近鄰州接筆架峯迷故里遙
得意歸來期可數榴花如火照高標

吳潛

鎮海樓

鄞山深處古明州
新有江南客倚樓
鳳闕天連便望日
蛟門海晏不驚秋
頭顱已迫殘年景
身口聊爲卒歲謀
蕭颯西風吹敗葉
滿眶清淚自難收

趙孟頫

普陀山

縹緲雲飛海上山
挂帆三日上潺湲
兩宮福德齊千佛
一道恩光照百蠻
澗草巖花多瑞氣
石林水府隔塵寰
鯁生小技眞榮遇
何幸凡身到此閒

四明古蹟卷二

四四明叢書

約園刊本

烏斯道

二靈山

東湖闊處二靈山
龍叶雙珠落水閒
四面亂峯雲氣白
半天孤塔土花斑
當年馴虎歸何處
今日輕鷗只自閒
問訊老僧詩句好
清風謾謾滿松關

袁士元

東錢湖

儘說西湖足勝遊
東湖誰信更清幽
一百五日客舟過
七十二谿春水流
白鳥影邊霞嶼寺
翠微深處月波樓

天然景物誰能狀千古詩人詠不休

丁鶴年

昌國華山寺

神鼇屹立戴崔嵬俯瞰滄溟水一杯積翠自天開
罨畫布金隨地起樓臺祈靈漢使乘槎到傳法
梁僧折葦來若使祖龍知勝概豈徒驅石訪蓬萊

昆明劫火忽重然宇內名山悉變遷古刹獨存龍伯國
豐碑猶記兔兒年三更日浴咸池水八月潮吞渤海天
雲漢靈槎如可御更應長往問神仙

四明古蹟卷三

五 四明叢書

約園刊本

普濟寺

闕峯深隱梵王家山色湖光引興賒石磴高盤松頂出
瓦溝低亞竹枝斜潮生滄海雜清梵雲淨瑤空墜寶花
徒倚不知歸路晚滿隄楊柳集昏鴉

黃澗玉

鄞城草堂

古鄞三面海通潮地局西來雉堞高日月兩湖環作島
坎離雙港抱成濠百花潭上渾如杜五柳門前總似陶
擬卜歸休寄長嘯草堂先自號東皋

董琳

陳文介公墓

甬東山色翠嶙峋，文介佳城近水濱。
細雨落花嗁謝豹，淡煙荒草臥麒麟。
麇犯顏只欲除奸黨，碎首無慚列蓋臣。
淺陋亦明風紀職，敢將忠鯁繼前人。

成矩

四明驛館

使星長照岸西東，水色天光面面通。
澄碧亭前迎畫鷁，涵虛館裏駐鳴驄。
祕書入道祠還在，丞相封王宅已空。

四明古蹟卷三

六四明叢書

約園刊本

依舊春風楊柳綠，行人來往自恩慙。

金湜

丁家嶺

嶺頭松樹插天青，嶺下人家舊姓丁。
沽酒且須尋地主，將詩不必弔山靈。
問誰別有神仙骨，願我真成老鶴形。
回首遼陽三百里，落花嗁鳥畫冥冥。

屠漣

涵碧亭

一池新水碧於苔，構得幽亭傍水開。
六月不知天有暑。

四時長喜地無埃倚欄下看星芒轉捲幔先迎山翠來
何用別求仙藥去此中風景卽蓬萊

張琦

天界寺

焚香交雜澗花馨世界天開一戶庭客欲入山消息大
鶴聞墮石夢魂驚谿流曾點僧頭白山影橫侵佛面清
風日來朝晴更好雨中先見兩三星

靈谷寺

出城望谷十五里吹帽東風一面當春柳變禽驚首夏

西明古蹟

卷三

七十四明叢書

一約園刊本

午林騎馬忽斜陽逢僧方外衣冠薄食筍山中七箸香
記取宗公今日別干峯鐘磬晚蒼蒼

楊守陳

平城寺

梵王宮殿倚青冥野色山光滿戶庭樵採松花來供佛
僧披榭葉坐談經綵雲不雨東西畝金谷空蟠大小青
酒罷吟鞍入城去數聲鐘磬遠泠泠

楊守陟

霞嶼山

東遊如入輞川圖野馬沙禽相喚呼碧樹森羅三寶地
青山還繞萬金湖人逢首夏衣穿葛節近端陽酒泛蒲
一宿招提問禪語面牆今有達摩無

分詠育王八景

倪光

山橫玉几

育王世界自天成門外青山玉几橫行道北朝香案近
談玄南拱白雲平珠林半出迎禪駕石鏡長懸照化城
漫擬烏皮兼白麕雨花臺上說詩名

四明古蹟卷三

八四明叢書

約園刊本

史鏞

井湧金沙

名山山下有潛龍半隱山中半水中沙湧黃金籠雨氣
雲生白日起靈風綺欄不設苔痕斷石磴原餘海氣通
駐錫請看神力應定分一鉢濟年豐

鄒閔

鐙然兩塔

百尺浮圖插半空兩峯相對夜鐙紅光迴鄮嶺千山外
影落扶桑大海東法界照臨開黑業塵凡皈向仰宗風

主持今送日休去應見山門萬世功

方震

鐘度重關

漏盡鐘鳴啓梵宮隨風直送太虛中龍吟殿裏催天曉
虎嘯山前候日紅百八教門知有數三千世界聽無窮
老僧課罷歸松榻心是空時色是空

蔡欽

茶鐘煮月

老禪出定雨晴天和月煎茶袒右肩半榻清風燒落葉

四明古蹟卷二

九四明叢書

約園刊本

一谿秋色汲新泉蒼蠅夜集爐頭鼎睡鶴時驚座上煙
爲囑高僧休自啜相如病渴臥文園

杜英

香篆燒雲

鵲尾爐中寶篆分一星火燄氣成雲玉衡影轉璇璣運
金裊光浮琬琰文爲厭冗中縈俗慮特來閒處挹清芬
山僧鼻觀空諸相朝夕焚修意趣勤

倪鏞

鹿鳴芝洞

呦呦麋鹿共和鳴爲愛靈芝洞口生玉點沿身千歲古
銅牌繫角七星明渴時惟飲潭中水飢處猶餐野草萍
法相已無蕉覆夢每來聽誦傍階行

王政

螢照松堂

雨歇山南夜氣涼螢燈一點照松堂隨風飄到金星小
觸几飛回玉燼長可笑逸遊淫作戲堪嗟耽讀苦爲囊
幽禪本性憐生物一任輕盈定衲裳

張邦奇

四明古蹟 卷三

十一 四明叢書

約園刊本

大雷山

十年重到大雷山依舊鶯花白晝閒細草遠連春澗綠
落梅時點客衣斑流塵歲月人空憶繞徑煙霏鶴未還
采徧蘭皋猶駐馬夕陽何處水潺潺
維舟村寺蹋平灘纔到山中便改觀一夜雨過鳴澗壑
半空雲墜失峯巒人家有徑蒼苔滑蕭寺無僧翠竹寒
此日故人千里隔欲攀高頂望長安

天封塔

玉筍峻嶒盡畫圖興來輕步倩誰扶東窺溟渤惟青靄

西接崑崙有紫衝星月一天人嘯起風煙萬里鶴飛孤
凌虛如在金莖表攜取方平十二壺

清道觀

將尋仙迹野江濱解纜江湖捷有神修竹牆頭雲鬢石
老松門外薛封麟路窮危磴渾忘俗山向深秋欲瘦人
白髮洪崖終日笑爲呼玄鶴下風塵

屠僑

寧波寺

落日川橋野寺幽風篁雨蔓碧遭周居連一舍今方到

四明古蹟

卷三

十一四明叢書

約園刊本

勝接三江昔未遊門外滄波飛白鳥殿前紅葉偃深秋
雞聲隔竹裏寥寂僧在薜蘿宮裏頭

映江樓

解綬歸來獨上樓百年今日是真遊江橫雁影清霄外
路人桃花碧海頭自此山川隨我樂漫於今古其人愁
閒心一寄憑欄月滿地雲浮與水流

王應鵬

梅子眞隱居

元始年來漢欲東曾於青史仰高風不知舊日藏修處

可在雲峯想像中日擁湖光長激濫雨來山色更朦朧
清時久負蒼生願試與漁人乞釣篷

陸 銓

東湖

湖日初晴爛曉霞竹與披露度芳華短苗斜引谿前水
小荻新穿雨後沙馬踏落花過藥圃鶯嚙修竹到僧家
閒來不覺塵心淨坐聽鳴橈弄水涯

萬 表

金弢山

四明古蹟

卷三

十二

四明藏書

約園刊本

逢人每道金弢勝況與山僧隔水盟霜葉未零秋色在
陣雲猶合暮煙生禪宮高向層巒上竹徑紆從曲澗行
夜靜堂深同對酒故園朋舊有餘情

王守仁

杖錫山

山鳥歡呼欲問名山花含笑似相迎風迴碧樹千聲早
雨過丹巖夕照明雪嶺插天開玉帳雲谿環碧抱金城
懸鐙夜宿茅堂靜洞鶴林僧相對清

每逢佳處問山名風景依稀過眼生歸霧忽連千嶂暝

夕陽偏放一谿晴晚投巖寺依雲宿靜愛楓林送雨聲
夜久披衣還坐起不禁風月照人清

楊言

棟塘

江南春信花爭發雙棟迴塘開獨遲流水小村飛白鷺
細香醴酒語黃鸝東陵遺事瓜三畝彭澤歸心菊一籬
寄傲君家更奇絕狎鷗深處綠陰隄

李循義

森森亭

四明古蹟卷三

三四明叢書

約園刊本

草亭郭外鬱森森華表遙瞻四世深匝地虬龍盤墓道
百年豺獭在人心階前自映蒼苔色葉底頻傳好鳥音
卻憶沛中提劍日太平祖臘到於今

耕讀堂

吾家世授有遺經五畝東田東帶耕盤谷新秋香稻熟
墨莊深夜短檠明門迴綠水懷先澤坐仰高山得自名
祖訓須知栽苦木人生勤業豈無成

陸瑜

賀監祠

春水微茫春草新廟堂花發鳥聲頻黃冠一曲瞻遺像
明月三洲仰昔人故宅已憐爲傳舍敝廬猶喜託芳鄰
年來幸遂歸湖願爲向先生一薦蘋

余洵

東山寺

煙水東湖閱幾灣維舟散步又東山鶴歸古殿鐘初歇
僧指高墳草未刪落日峯低侵眼碧疏林雲淡比心閒
翻嫌丞相施金重時有催租吏叩關

林桂

四明古蹟卷三

十四四明叢書

一約園刊本

南旺湖

遙望南湖浪拍狂曉煙迎日半蒼涼帆前水草疑無路
袖底風花別有香繞舍初逢蠶上箔隔村又賀麥登場
郊原頗合清和意醉倚高歌似故鄉

胡庚

馮灣古井

銀牀字勒未朝年源自宅山湧冽泉八角有形攢碧甃
一泓無底浸青天陰藏威鳳梧桐老影動蟠龍薜荔縣
聞說厲家多好事也須投轄重名賢

胡璉

月波山

水邊樓閣鬱嵯峨一櫂清秋看月波
南竺老禪能梵語東州狂客作吳歌
天垂斷岸明河動雲擁長松獨鶴過
亦有風流如賀監畫船載酒共婆娑

陳銳

青山寺鍾秀閣

手開樓閣羅諸象面對湖山衛百靈
玉鏡夜寒通沆瀣翠屏秋淨倒空青
避煙鶴起檐閒樹行雨龍歸几上瓶
我亦逃禪雲水客便應蕭散共松扃

四明古蹟

卷三

五十四明叢書

約園刊本

桂彥良

福源寺

鳳舞高岡五馬朝一拳屹立聳金鼇
長江外接天光近古刹終歸地勢高
雙沼當門涵日月萬松繞屋響波濤
老僧面壁雲深處靜夜眉閒放白毫

王淮

花嶼湖

太平時節競繁華日日笙歌泛彩霞
兩岸風光三月柳

一山煙景四時花鐘鳴華閣開禪剎簾捲虹橋見酒家
今日淒涼誰著眼水枯荒草沒泥沙

時銘

車廐山

春風步履萬山中夾道新栽十里松石蘚久荒丞相墓
天花晝落梵王宮麥畦上下緣谿入茅屋參差隔岸通
欲訪商山採芝叟雲深無處覓仙蹤

鄭滿

緒山寺

四明古蹟卷三

十六四明叢書

約園刊本

夾雙江又夾雙峯五百年來少舊蹤曉徑雨收谿過鹿
春巖雲起樹橫龍畏人禪子初飛錫蓋世詞豪共策筇
肯許淵明來入社清宵擬聽滿山松

王穉登

袁文榮公祠

雲中煙火映荒祠遺像蕭條入拜疑馬策叩門惟有淚
雀羅張戶不勝悲山光夜暗圍棋墅海色寒埋挂劍枝
千載何人能下土斷腸空憶鄭當時

楊守勤

闕湖

湖光山色總堪題萬頃蒼煙入望迷雉堞連雲波岸迴
虹橋漾月水天低闕峯閣倚華巖畔環碧亭開虎石西
況有名賢遺澤在漫將妝點羨蘇隄

楊德政

樟園

解組歸來幾歲華小樓新築占高沙山當睥睨飛空翠
水接滄浪散綺霞老去不嫌饒白髮秋來隨意問黃花
遠公舊有東林社一笑谿頭理釣車

四明古蹟

卷三

十七四明叢書

約園刊本

戴鰲

叢碧亭

翠微深處一幽亭晝寢衰翁酒半醒窺戶雲來牀石潤
拂檐風過壁蘿馨高桐葉下鳥齊立垂柳塘邊馬暫停
已見小山初上月清光曾照老人星

陸鈞

仙巖寺

危磴風高欲振衣從來此地到人稀身隨孤鶴青天近
寺壓千峯碧靄飛階下峭巖斜種竹厓前深洞倒懸扉

禪堂一夜無生話回首風塵事事非

豐坊

白雲竹院

塔院雲光層復層高人禪定向來精波心出月千林白石骨流泉萬古清藏界是真還是幻法身無滅亦無生使君猶縮黃金綬多病偏諧避世情

黃元忠

祖關

畏炎真擬入山深出郭平隄桑柘陰野寺荷開池水碧

四明古蹟 卷三

十八 四明叢書

約園刊本

空堂禪定夜風侵一燈明滅傳昏旦萬竹平安到古今
人世是非殊未定幾聲清磬思難禁

包大中

武陵莊

探幽直入武陵谿樹密煙深白鳥唳拂權野花人不識
穿林亂水路還迷雲山半繞芳亭外茅屋偏多曲岸西
風物尙餘秦代古家家猶自飯蒸藜

倪復

雪竇巖

倚天蒼翠出崢嶸中有飛泉瀉一泓絕壑雲高巖虎嘯
千林月上野猿驚寺當絕頂丹題見徑轉迴谿素練縈
陡覺塵區異寥廓欲臨寒碧洗煩纒

洪性

陶公山

霸越平吳此息機簑衣終日坐漁磯一竿風月高名在
千古江山舊事非春雨荒臺苔蘚合夕陽古渡釣船歸
探奇欲試登臨興流水無情白鷺飛

范欽

四明古蹟卷三

十九四明叢書

約園刊本

茂嶼莊

盛朝末老卽抽身猶向青山自結鄰醉後江湖雙短櫂
嘯中天地一閒人月來鶴破花階夢雨罷龍消水霧塵
一自劉郎仙隱去碧谿無路覓芳薪

沈一貫

鄞江先生廟

無懷藪澤一閒身有道妻兒不厭貧二仲頻來相爾汝
諸生迎拜儼君臣名將太乙青藜共廟與東華老樹鄰
坎坎擊鼙君至否紛紛椒醕玉爲塵

沈明臣

青玉樓

淨土誰開青玉樓白雲如水萬山秋高天西去空雙眼
大海東來欲盡頭客夢梅花依木末禪心江月淡簾鉤
遠公姓氏曾知否託宿吾將竟月留

汪禮約

杖錫寺

古寺高懸碧嶂餘清谿直走梵王居鐘聲曉落千林月
石色空窺萬古書小閣峯陰晴雪擁亂山天外白雲疏
人傳飛錫何年事風送空花點客裾

四明古蹟

卷三

二十四明叢書

約圖刊本

李生寅

化成庵

大河東去化成庵歷歷湖山隔水南斷塔似憐諸佛在
陰廊不見一僧參蘿花滿地香猶積竹筍穿花粉更含
臺下野狐閒白日一經吾自夜能談

丁繼嗣

洛伽山禮大士徧閱諸勝

日淨齋壇禮上台孤懸絕島殿中開九天龍象擎雲下

萬里龍鼉駕海來，佛火檀然超色界。
蓮洋花簇護香臺，願分一勺澄心水。
灑徧楊枝度草萊，纔從物外謝冠纓。
卻向天邊問化城，夕照雲穿窺塔影。
夜鈴風透入松聲，僧施香飯天廚淨。
佛散花鎧梵界明，到處如來親見面。
何須鍊藥跨蓬瀛。

汪綸

南山樓正議公墓

山上僧開廣漠軒，山前四望見平原。
煙和空翠浮城郭，樹引嵐光入縣門。
澗水分流資國隸，巖花飛落含墟村。

四明古蹟卷三

三十四明叢書

約園刊本

樓公墓道生荆棘，猶有鄉人奠酒樽。

榆林戴帥初先生故居

連岡東下石門幽，榆柳陰陰澗水流。
羣鹿每依芳草臥，白雲長傍翠巖浮。
剡源夫子今何在，天水王孫不復遊。
莫向儒林問消息，空山嘯鳥不勝愁。

袁德鄰

千丈巖

巨靈何日劈山開，一道飛泉自此來。
廬嶽未容誇瀑布，石梁無異在天台。
光垂素練看生眩，勢瀉銀河挽莫回。

憶與能詩陳主簿長吟同上妙高臺

陸寶

福泉山

虛空直上孑然身五色分懸一掌輪
山化爲雲微有脊天垂入海杳無垠
衰來試杖神猶王險到供詩料總新
漸喜岳遊家尺咫何論婚嫁畢前因

涵虛閣

筠簾宵捲浪生紋快閣清秋興不羣
團扇涼招三島月屏風翠染六橋雲
人將鶴影同時照歌與漁家隔岸分

四明古蹟卷三

三 四明叢書

約園刊本

杯酒竹林高會散誰言小陸故能文

宅山廟

舊廟還歌艾處棠神君明德蔭人長
一重埭遂尊爲禹八尺碑猶認是唐
甲馬飛乘灘水急豆登吹入野花香
滄江落日明如晝我欲題詩上螭牆

謝文廟

拈香賽酒日紛紛野殿明妝耀翠裙
祇憶前身曾詠雪不知何處復爲雲
靈旗下世通巫覡仙樂流空亂鳥羣
階樹如龍看自舞古碑無字蝕苔文

脩園

園景如詩峭絕倫詩亡園亦化荆榛
旁觀解識玄亭撤才鬼難甘白屋貧
疆理雲先迷故處歌呼鳥代作新鄰
一灣池水清無底瘦影還疑照昔人

柳亭

半園佛塔半侵亭搖曳東風影亂形
鳥解銜煙來說法僧堪避日坐緇經
千絲冷濯空波嫩一色低黏忍草青
更待何人清淨手折將灑水上瓷瓶

朱金芝

四明古蹟卷三

百四十四

約園刊本

竹谿晁園

天邊綠水得幽棲野色全於懶性宜
雲隱山扉千个竹路隨橋帶幾灣谿
平隄春雨留巖翠傍檻垂楊借鳥哢
恰是輕鳧還泛泛門前魚釣夕陽低

曲欄杆外碧雲流縹緲青天十二樓
谿到晴嵐浮好月竹敲疏雨過輕舟
山屏遠點瀟湘綠水氣涼搖雲夢秋
黃菊盡時紅葉到人來頻指鏡中游

獨夜空林秋氣濃半簾竹影掩千峯
汀蘋映日呼山鵲蘆葉流雲起夕鴻
夢落花梢身是蝶舞憐雞唱氣猶虹

終身坐對山扉淨木脫天高冷桂叢

查慎行

福泉山禮斗亭

清池照影樹扶疏晝靜廊空想步虛閱世人來棋散後
出山雲淡雨晴初窮塵滾滾孤亭在浩劫茫茫百戰餘
華表鶴歸應有淚舊時城郭半邱墟

范光陽

光谿天王寺

看山忽到天王寺老桂迎秋殿閣涼日落游僧趁粥鼓

四明古蹟卷三

三石四明叢書

一約風刊本

門開饑虎入經堂試嘗茗事甌全綠小摘林閒橘半黃
寺外一谿聲似筑臥聽我欲下禪牀

史丞相墓

千秋公論遺編久數畝荒墳宰木存寃憤終難消濟邸
禍機叵測爲新恩頭顱夜泣冬青樹魂魄潮歸綠野村
應念生平南叔在肯因宗袞一登門

鄭梁

梅湖施都督墓

輕航繞出六峯隈忽覲梅湖一鏡開野岸逢人詢舊路

山家留客灑新醅將軍墓木樵蘇盡孺子盤殮祭奠來
歎息容平荆棘長日斜歸去竟餘杯

觀音洞

招寶山頭路已窮一聲清磬石巖中
猶崖曲折無塵迹入洞幽深自梵宮
大海波濤階下物普天埃壒眼前空
何當瓢笠來棲此看倦扶桑曉日紅

饗亭

不憚西江雨又風亂流來拜墓門
東輿穿松路沾蘭臭屋覆桃陰綴
薛紅地以亭名懷祖德碑因石立歎天工
年年一至頭今白愛買鵝黃只眼中

四明市蹟

卷三

三五

四明叢書

約園刊本

袁德峻

賀季真祠

祕監風流古所稀鑑湖一曲臥初衣
追言靈武多遺恨卻憶黃冠蚤見幾
槎柏尙餘高韻在乘船誰共醉扶歸
釣遊勝迹依然事換酒何人今已非

青門一餞漫相推賢達如何去不迴
如子擅宮歸已決曲江謝政益難回
人知雲棧悲淋雨誰識湖隄老逸才
杳渺酒船明月夜吟詩應共謫仙來

全祖望

尊堯書屋

了齋前後尊堯錄老筆完書屬四明故國黨人餘正氣
望藍平楚有餘清蘋風葉月連郎塔竹嶼花汀和友聲
館畔僅留指佞草春風依舊綠干莖

董徵君墓

郊行再拜徵君墓埏道長懷季海碑妙墨已隨灰劫盡
寒泉猶瀉墓廬悲望雲不隔慈湖水考異誰來楚客疑
密邇先塋餘丙舍年年瞻拜酌新醪

四明古蹟卷三

兵四明叢書

一約園刊本

潘司舶署

堂堂宗子獻重城下吏翻知不苟生整頓衣冠朝藝祖
憑依海岳溯炎精軍師國邑非吾任宇宙君臣有定衡
爲過當年畢命處谿毛誰克表孤貞

陳美訓

四明懷古

董子初封舊越疆當年勝迹已爭強肇基人物推文種
狂客風流盛李唐橫海蛟門天柱聳錫山龍脈地靈長
四明絕頂神仙窟呼吸紅雲帝座旁

七言排律

張昺

阿育王寺

春風連袂入松關，秀壓東南百萬山。
簾捲半空橫玉几，雲開四面擁青鬟。
香銷柏子禪機息，雨溼茶煙鶴夢閒。
舍利一函光彩舊，碑文數尺蘚苔斑。
賞心已遂三生約，天意重留兩日閒。
頓覺精神超物外，那知身世在塵寰。
客子清歌蘇武節，主人高興遠公班。
詩成大雅鏗金石，酒出新槽阻佩環。
錢湖有約終須泛，霞嶼何妨共笑攀。

四明古蹟卷三

三七 四明叢書

約園刊本

好景良朋遊未了，夕陽江上放舟還。

沈明臣

阿育王寺

大竺先生莫與齊，何如六祖住曹谿。
化度十方皆面北，總持三教盡歸西。
寶幢再見曇花落，玉几惟聞怖鴿棲。
憐駿極嘶支道馬，談玄窗聽宋公雞。
靈鰲并畔龍降鉢，鬼谷祠前虎印泥。
舍利閣成吾借問，虹梁日月許誰題。

張楷

天童寺

乘閒拉友玩天童九隴相環秀氣鍾紫霧頻封禪丈室
白雲時擁鉢孟峯八功德水呈天碧七竅堵波插漢雄
東際逶迤泉轉磨西邊奇怪石玲瓏清關橋鎖禪心定
響石聲驚鳥道崇太白崖端存佛蹟善財洞畔隱仙蹤
虎跑甘澤師威重龍臥高湫雲雨從五鳳樓高罩汲汲
萬工池闊水溶溶大雲伴與中峯秀幻智相歸伏翠濃
千載垂池獅子柏萬年夾道茯苓松三關款款驄車駐
九鎖重重薜荔封勝境由來觀不足古今風景宛然同

何士晉

四明古蹟卷三

天四明叢書

約園刊本

補陀山

琳宮絕壑獨靈巖萬里煙花擁翠螺乾闥忽傳天樂細
迦陵時送鳥聲和御函別起新蓮藏浩劫重開舊寶陀
水月觀中龍子出旃檀林內雁王過潮音作梵山齊吼
野衲棲巖雲滿窩玉筍點斑留片石金沙正練護恆河
莫言島嶼津梁少翻覺風濤世路多兩度祝釐登彼岸
願言千載不揚波

葉舜臣

洛迦山

驅石連鼇事有不蒼茫
天地總輕漚乘潮夜覺
星河覆破浪時驚日月
流百谷龍蛇歸大壑空
王香火屬孤洲邀僧施
食龍歸鉢拄杖看雲蜃
結樓老蚌戲珠宵出浪
文鮑吹霧晝迷舟旁通
異域應無數咫尺神山
若可遊坐想飛仙乘蹻
去行逢老衲借杯浮如
來若許親摩頂願得誅
茅最上頭

四明古蹟卷四

清鄭陳之綱旭峯輯

五言絕句

晁說之

超然亭

秋色日駸駸江亭敞有陰殘霞沈浦口新月出波心

李觀

育王十二題

金沙池

四明古蹟卷四

一四明叢書
約園刊本

遙聞金在沙知是虛名號世人方競貪何茲有遺寶

佛蹟峯

佛蹟空在茲佛心無處所尋蹟以求之似學邯鄲步

七佛石

萬物雖散殊孰非道之體何必石巖巖方疑金色臂

袈裟石

梵教一來東羣心日歸向土石至無情也作披緇狀

明月臺

月色固無改臺基亦不壞嗟哉翫月人古來誰復在

石屏峯

形模皆自然樹立豈人力松影與秋光掃成眞水墨

靈鰻井

田苗自枯槁井鰻人所禱若教龍有靈此魚何足道

供奉泉

磷師鑿此泉晨夕奉親老因知達者心豈嘗離孝道

育王塔

嘗聞有爲法佛說如夢幻胡然窳堵波香花耀凡眼

八角殿

四明古蹟

卷四

一四明叢書
約園刊本

晉後千百年茲殿儼如昔梵宇若皆然應須省民力

晉年松

典午旣凌夷羣材共淪謝惟有青青松於今被王化

重臺蓮

長疑佛界中天女來行樂爲怕山風寒仙衣盡重著

張琦

太白山

太白三千丈廬峯上與爭道人閒管事終日作山評

橫石橋

地覺秋來瘦舟宜雨外晴野橋將浦樹扶得夕陽橫

楊守陳

疊石巖

別山猶愛山疊石事如戲注水學泉聲焚香作雲氣

高 瀛

茂嶼莊

空江渺何許微茫半邨雨何當披玄雲風月來相主
白雲亦自好白雨一江秋長年陪謝傅著屐過西州

沈一貫

四明古蹟

卷四

二三四明叢書

約園刊本

桃源谿

雞犬三家夕桑麻一葉春安知天地外別有古今人

沈明臣

大涵山

悠然大涵山山下雲如海不因濯足來尋得漁磯在

汪禮約

參差亭

水竹小華源逍遙白雲府不聞人語聲飛籟如寒雨
已失東山雲獨有東山月涼風何處來吹作千峯雪

余寅

玉几峯

玉几插漢高其上平如掌白羽雲中搖獨來還獨往

盧澧

攤書石

玉几當山寺幽人坐更宜開書日欲午鶴動青松枝

李德繼

萬松關

谿口蒼煙暝山頭落日懸松關空自掩寶月獨娟娟

四明古蹟卷四

四四明叢書

約園刊本

楊實

舍利塔

亭亭窳塔波冲霄名舍利夜半走珠光如來現平地

錢光繡

舍利塔

東塔曾相晤而今覲面非墓前柏樹子依舊露天機

楊明

天童八詠

觀音洞

山名小白華上有觀音洞華落洞門閒白鶯春自呀
善財洞

聞有善財者迹寄紫竹林古洞西巖下風雨莓苔深
禮拜臺

高臺禮大士正與玲瓏對士去臺亦荒白華滿山碎
老郎寮

少壯用其力衰老焉能棄食此畢餘生熙熙樂生聚
疊翠樓

危樓起山阿山深樹重疊虛檐雲起浮淨几幽光接

四明古蹟卷四

五四明叢書

約園刊本

旃檀林

香林擁旃檀中有棲真屋春風吹落花點破苔階綠

磨茶橋

春茶成月團必假磨礮力橋畔聽經人茶香聞月夕

金莊橋

金田莊已蕪莊外橋仍在我時踏月過惟有清風待

陸寶

四明十詠

天篆石

石壁金經古苔深字不刊夜留山鬼讀朝與野猿看

雲根石

石本是雲根雲在葉散亂屹立草堂前留作奇卉玩

僧禮石

白馬馱未到信心先已形朝朝看合十不識禮何經

再來石

雲裏青瑤質捫蘿訪獨真空山無履跡誰是再來人

馬鞍嶺

已到山窮處天梯百尺通忽招雲入手疑是馬行空

四明古蹟 卷四

六四明叢書

約園刊本

屏風巖

多年蓮社散拋擲亂山中不似琉璃薄從教鶴避風

普同塔

舍利既已滅蓮花終不生擾擾泉下魂疑入枉死城

翠雲井

垂菖覆井口井底別有天一餅懸影落搖漾翠雲邊

沈花澗

淺水流不去落紅飛更頻封姨眞解事波底暗藏春

洗藥谿

不見臨流者時時聞藥香隔谿招鹿飲逗影入殘陽
周容

育王西塔院

野鹿隨雲下檐禽識磬還兵戈成就我得遂此中間
秋茶出釜綠野子插瓶鮮但尋幽事洽未敢竟參禪
空廊積莓苔虎跡大如鉢忘機忽過橋明月照林末
聞性善

小白嶺

巖從樹頂分坐擁樵雲斷行來數里松前山還有半

四明古蹟卷四

七

四明叢書
約園刊本

張美確

雲居庵

谿迴路忽差遠趁山雲冷到門僧未知空階立松影

全祖望

剡源九曲

六詔

右軍潑墨處一昔來金庭九曲自此始六詔想風清

驛駐

殿中良高節錢王更謙光荒祠雖蔓草餘韻尙蒼茫

兩湖

茫茫一谿水何以分兩湖桃花石壁眩經界已模糊

白谿

曰谿多鳥曰榆林多青榆應憐戰場下舊是神仙居

三石

五曲爲三石本堂居其中深山避北馬莫畏大隧風

茅渚

殿中有初祖來誅茅渚茅乃生千蘭孫國香徧神皋

斑谿

斑谿水盈盈中有常春天聞道居人少吾將老此閒

高輿

高輿更奇絕可惜歸禪關何不廬其廬其聽飛瀑泉

公棠

公棠乃盡頭晦水清且嘉本堂有龍駒別署太史家

六言絕句

沈明臣

綠雨谿

家住芙蓉江上人歸綠雨谿頭花落朗吟對酒月明長

嘯登樓

陸寶

辟塵居

蓮不沾泥佛現竹能避俗人來濠水魚知樂也山梁雉

亦時哉

霜鏡樓

生平最好樓居況對波光潔淨不須九月飛霜自覺雙

湖如鏡

悟香閣

四明古蹟卷四

九四明叢書

約園刊本

香本無聲無色參來不卽不離一片木樨飄處豁然胸

境空時

周應賓

育王寺舍利

聽法降龍出海聞經香象渡河五色華開優鉢一輪月

影莎蘿

草色印明沙界谿聲響徹潮首剝落五重衣障打成一

片禪心

朵朵黃花般若竿竿翠竹眞如要識寒山拾得卽爲普

賢文殊

袁時中

四明三佛勝蹟

舍利疑真疑幻浮圖非石非金不是劉郎到此名山少

一叢林

布袋包羅天地斯人別有古今世事付諸一笑偶然寄

迹岳林

啞女寂無一語此中微妙難尋試訪戒香雲石空傳鐘

磬餘音

四明古蹟

卷四

十四明藏書

約園刊本

七言絕句

王安石

建輿山

兩岸青山刻削成一谿回曲篆紋平綠陰隱隱無層數

欲去黃鸝又一聲

天童谿

谿水清漣樹老蒼行穿谿樹踏春陽谿深樹密無尋處

惟有幽花渡水香

天童寺

村村桑柘綠浮空春日鶯啼谷口風二十里松行欲盡
青山捧出梵王宮

吳使君廟

山色湖光一樣清桑麻穀粟荷君情至今民祀年年在
莫負當年歃血盟

曾鞏

桃源谿

來時秋不見桃花空樹寒泉瀉石涯爭得時人見鸞鳳
不教身去憶煙霞

四明古蹟卷四

十一四明叢書

約園刊本

樓鑰

碧沚亭

相家少有四明山更葺桃源渺莽閒四面樓臺相映發
一川煙水自彎環
中洲巖石勢嵯峨城上遙岑聳翠螺舊說夕陽無限好
此中更得夕陽多

小谿道中

簇簇蒼山隱夕暉遙看野雁著行歸久之不動方知是
一塔碎雲寒不飛

後洞環村儘溯游鳳山寺下換輕舟舟人努力雙篙急
引得清谿逆岸流

袁燮

天童道上

巖岌嶄巖太白峯高名千古獨稱雄放懷擬向山頭立
宇宙都歸一望中

太白峯前三十里古松夾道奏琴笙清輝秀色交相映
未羨山陰道上行

百步尖

四明古蹟

卷四

十一四明叢書

約園刊本

一山屹立萬山朝壯觀稜稜倚碧霄惆悵故交埋玉處
高名千古其岿

劉理

西湖十洲

花嶼

淺深豔冶一枝枝帶露臨風不自持水上紅雲真縹緲
多才卻憶退之詩

芳草洲

春水池塘空冉冉長安古道倍依依爭如綠向芳洲徧

不怨王孫去未歸

柳汀

江渡隋隄千萬縷年年折盡最長條誰知煙雨汀洲晚
閒舞春風拂畫橋

竹嶼

翠雲搖曳波心起清影扶疏月際來結實終期丹鳳至
虛心聊映小桃開

煙嶼

閒伴晚雲籠淺瀨半如秋雨暮寒沙溶溶曳曳拖輕素

四明古蹟卷四

十三四明叢書

約園刊本

遮盡漁蓑與釣槎

芙蓉洲

翠幄臨流結絳囊多情長伴菊花芳誰憐冷落清秋後
能抱柔枝獨拒霜

菊花洲

金蕊含香冒雨開清無俗格絕塵埃休嗟不及東籬下
也有幽人載酒來

月島

寂樂亭前月滿洲雨餘風靜正中秋桂花冷射千尋碧

十頃湖光爛不收

雪汀

六出花輕巧翦裁
瑤林玉砌映高臺
水澌四面寒光合
疑有飛仙月下來

松島

恥隨楊柳嬌春色
厭近芙蓉遞暗香
直幹凌霜終偃蹇
願爲一柱壯明堂

王互

西湖十洲

四明古蹟卷四

十四四明叢書

約園刊本

花嶼

傳聞春入水邊枝
懊惱行人不暇持
任是杜陵歸較晚
也須排悶強裁詩

芳草洲

十步中間水四圍
不容紅紫亂相依
春風管取青青在
莫問愁人歸未歸

柳汀

不似長安陌上梢
只將離恨寄長條
臨流繫得虹霓住
留作憧憧兩岸橋

竹嶼

鳳巢龍驤未足才獨驚高節出雲來此君端的吾家舊
爭得柴門相向開

煙嶼

離朱諦視也昏花一匹青縑蓋白沙咫尺漁舟看不得
凡夫何處覓仙槎

芙蓉洲

須信金神有智囊會將秋色賽春芳清宵見白休相拒
多是潘郎鬢上霜

四明古蹟

卷四

十五

四明叢書
約園刊本

菊花洲

年年重九爲人開不染春風一點埃湖上蕭騷如栗里
虛尊還待白衣來

月島

夕陽盡處見滄洲一片清光水國秋應是玉眞梳洗罷
菱花臺上不曾收

雪汀

玉落風刀細細裁梁王宮裏舊池臺逍遙此地何人可
除是冰膚駕鶴來

松島

誰陪老碧到秋霜
賴有黃花隔水香
土淺波深難獨立
可能移植向公堂

陳瓘

西湖十洲

花嶼

紅紫商量欲滿枝
探春觴豆好攜持
便須載酒凌雲去
底事黃堂獨賦詩

芳草洲

四明古蹟

卷四

十六四明叢書

約園刊本

綠水映波千古恨
至今南浦兩依依
我今又至江東去
多少行人宦未歸

柳汀

密幹參差弄月影
輕波蕩漾蘸煙條
暑天要此清涼地
欲往何辭度小橋

竹嶼

霜枝迥出紅塵外
只有鵝雛傍水來
別岸若尋棲隱處
軒窗須爲此君開

煙嶼

靄靄紛紛緣底事故來波上罩層沙莫教散入滄溟去
卻恐能迷上漢槎

芙蓉洲

紅雲可覓無蜂去渺渺寒波映晚芳未必孤根能耐雪
且看秋豔已經霜

菊花洲

光景不留人已老恨無羽翼出塵埃世閒那有飛昇藥
且傍汀洲採菊來

月島

四明古蹟

卷四

十七

四明叢書

約園刊本

月明偏照海邊洲綠水迴環漾素秋斗轉參橫羣動息
桂花零落遣誰收

雪汀

誰把平原水上開坐看飛絮撲瓊臺酒豪耳熱笙歌沸
應怪幽人此地來

松島

影參岸柏童童綠葉蔽汀蘭澹澹香斤斧不來人迹遠
養成千尺勢堂堂

舒 齋

西湖十洲

花嶼

煖吹紅紫上青枝
掠水風煙巧自持
蜂蝶鷓鴣各芳意
錦囊消得探春詩

芳草洲

小雨如酥露乍晞
嶼花汀柳自相依
畫橋不礙尋春屐
誰傍煙波拾翠歸

柳汀

困倚滄波綠動搖
冷煙疏雨共蕭條
誰將輕薄嬌春態

四明古蹟

卷四

十六 四明叢書

約園刊本

強拂人頭向市橋

竹嶼

欲問葛陂安在哉
端倪疑波底化龍來
子猷此與君知否
小徑何妨對竹開

煙嶼

著漠寒蘆不見花
暗藏鷗鷺晴沙煖
風吹起渾無定
半落僧窗半落槎

芙蓉洲

照水枝枝蜀錦囊
年年澤國爲誰芳
朱顏自得西風意

不管深秋昨夜霜

菊花洲

懶對陶家酒甕開東籬寂寞久風埃會須結取登高客
插上龍山醉帽來

月島

何人騎鶴上瀛洲清影明波正九秋吹罷玉笙端不見
滿堂桂子有誰收

雪汀

點柳妝梅不暇裁平波直擬涌瑤臺釣磯葦岸知何許

四明古蹟

卷四

十九

四明叢書

約園刊本

幾誤漁舟夜半來

松島

亭亭古岸對滄浪雨洗風飄老更香晚歲何人同寂寞
水西我有讀書堂

四明十二題

灌頂山

雪頂胡僧眼窺天只應風月是生緣那知生作人間雨
千丈巖頭一道泉

白雲山

高低深淺逐陰晴一簇林巒畫不成誰道青山怕雲點
白雲點處轉分明

大梅山

仙去人閒地轉靈蛟龍合處谷風生誰知雲霧千峯頂
長得青天霹靂聲

太白峯

千峯下視盡兒孫仙事寥寥不可聞長作人閒三月雨
請看膚寸嶺頭雲

玲瓏巖

四明古蹟

卷四

一千四明叢書

約園刊本

詭形迴與萬山殊空洞繇來一物無直恐虛心自天意
人閒穿鑿枉工夫

方響石

淵明休弄沒絃琴混沌中含太古音聞說幾回風雨夜
四山渾作老龍吟

佛蹟石

蒼崖絕壁印苔痕陳蹟千年尚似新杖履紛紛走南北
幾人不是刻舟人

神龍池

蹙蹙聊寄數峯雲
雨意含雲白
晝昏不用高僧時咒鉢
一泓長貯萬家村

虎跑泉

一嘯風從谷口生
直教平地作滄溟
靈山不與江心比
誰會茶仙補水經

臨雲閣

高僧終日笑憑欄
亦似無心懶出關
幾度海風吹散雨
坐看彩翠落人閒

春樂軒

四明古蹟

卷四

十一

四明叢書

約園刊本

隔水巖花紅淺深
花邊相對語幽禽
管絃不到山閒耳
誰會憑欄此日心

宿鷺亭

雲過千谿月上時
雪蘆霜草冷相依
正緣野性如僧癖
肯爲游魚下釣磯

晁說之

超然亭

終日一杯終日醉
看潮初上看潮回
自疑前世陶貞白
乘興閒遊鄞縣來

小年曾識京華樂老得江山懷抱開風月不談孤此夕
恨隨潮去與潮回

高似孫

蔡山渡

江上人家破竹門湖來水長浸籬根鯨魚一尺枇杷小
放溜船來酒滿樽

陸游

更幽亭

攀石捫蘿到更幽玲瓏咫尺懶窮搜旁人不會當時意

西明古蹟

卷四

三十四明叢書

約園刊本

爲欠門生作伴遊

范成大

育王四詠

育王方丈

窗紙悲嘶萬壑風石梁飛澗倒枯松殷勤昨夜三更雨
添作投淵雪色龍

靈鰻井

決聲神通未易論雨聲留客夜翻盆不辭客路春泥滑
且足秧田舊水痕

妙喜泉

二士共談碑上法，千僧同酌沼中泉。
法門泉味知多少，水桶繩頭一串穿。

明月堂

古來禪窟鎖巖扃，佛子崔嵬拄杖橫。
塔上佛光堂上月，莫言公案不分明。

盛次仲

四香亭

擾擾紅塵爲底忙，僧家白日自舒長。
風簾著地寂無事

四明古蹟

卷四

五三四明叢書

約園刊本

百刻青春一炷香

四圍老綠夏陰涼，一枕南薰睡思長。
夢裏不知身是蝶，等閒飛送白蓮香。

霜晴恰見湖山好，境靜方知日月長。
陶令醉多難入社，時來摘菊飲秋香。

趁雪看山坐小牀，白雲影裏玉虹長。
不知砌下梅花發，只怪開簾有暗香。

吳潛

古春亭

桃花幾片隔牆飛，獨自危樓徙倚時。
目送斷虹雲外沒，東風吹淚落天涯。

袁 哀

是亦樓

樓縱不高心自遠，先人遺澤一塵留。
一身之外無他事，聊可棲遲是亦樓。

袁士元

鎮明嶺

一嶺坡陀鎮四明，無山無水自天成。
閒看來往登瀛客

四明古蹟 卷四

四明叢書

約園刊本

彷彿金黿背上行

劉仁本

朝元閣

山勢奔如海涌潮，朝元錫閣構岩堯。
曾招太白星辰下，獨倚空青煙霧飄。

李 堂

東錢湖古蹟

史相祠

東湖風景過西湖，史相祠宮列畫圖。
不用舟人頻指點

留詩欲弔岳墳孤

補陀洞天

相公囊括宋山河
鑿石穿雲作補陀
若見匡山還好景
慈元宮殿碧嵯峨

卜碑

深山何物卜穹碑
石穴金丸禍已隨
莫歎師王空一柳
穆陵遺事更堪悲

大慈寺

梵王宮殿七浮圖
殿址層層漫綠蕪
幸有老松人不翦

四明古蹟

卷四

三五四明叢書

約園刊本

滿林落日正嘯烏

李麟

旅泊庵

旅泊庵中孰是賓
問誰故國幾多春
箇中未得真消息
漠漠窮途愁殺人

屠隆

旅泊庵

客舍春來花草香
爭如本地好風光
迷人忘卻身爲客
錯認并州是故鄉

余有丁

東錢湖

錢湖佳勝萬山臨映水樓臺花木深開拓平疇八百頃
不知誰祀陸南金

沈一貫

大梅山

巖桂孤妍點綠苔山磬綽約倚雲開一從仙尉乘風去
多少青山也姓梅

五柳莊

四明古蹟

卷四

三六四明叢書

約圖刊本

貴游無事屢通書書滿牀頭只舊題惟有王弘粗解事
一壺相見野亭西

江湖風物醉還醒日日山行復水行縱是春來多腳疾
藍輿二子一門生

沈明臣

武陵山

才入青山自可憐秋深風月尙娟娟不知已作重來客
明日還家恐是仙

青精作飯紫萸羹飽後微吟水上行不道空山曾有寺

隔谿風送午鐘聲

紫雲紅霧逐人低
樹裏泉聲竹裏雞
盡日幽尋歸不得
萬山千水夕陽西

一宿山中懶出門
數家煙火隔前村
秋深老樹無紅葉
路在青天不可捫

楊明

古天童

日出扶桑谷口紅
數椽茅屋蔽深松
老僧出定無餘事
盡日門前看碧峯

四明古蹟

卷四

七

四明叢書

約園刊本

周禮

五磊峯

雨歇雲收山氣濃
曉來遮徧翠芙蓉
小童門外忽驚報
失卻前村五磊峯

葉憲祖

坐禪石

一片磐陀坐自呼
新苔細草未全枯
我來試效南宮拜
石在不知禪在無

樂長卿

育王十詠

舍利塔

八萬四千真舍利奉之一顆一浮屠西來駐此開慈化
香裏常看現寶珠

玉几峯

寶殿當頭瑞氣多好峯如几玉初磨山靈想有酥醅供
當戶敷陳禮佛陀

金沙井

金沙耀日水溶溶中有靈鰻解化龍親見早時曾應禱

西明古蹟卷四

三六四明叢書

約園刊本

山川六月雨漫空

仙書巖

才公坤是何代人名鐫巖石尙如新摩挲老眼看不足
山鳥一聲天地春

佛蹟石

面如滿月色如金萬德融通俱此心不是腳跟堅似鐵
如何踏得石頭深

七佛潭

鳥石庵前澗水深一泓寒水空人心此時古佛曾涓滴

留得清明直至今

大權洞

山椒古洞閒無塵雲物深藏護塔神歲月雖長人蹟少
一番花發一番春

承恩閣

山僧入覲語投機奎畫聯篇中禁闈欲向招提彰聖德
雲端薨棟尙聳飛

涌現巖

萬山深處石如牀寶塔西來向此藏珍重獵師誠念切

四明古蹟卷四

元四明叢書

約園刊本

自然雲裏露毫光

妙壽泉

水光心境兩無蹤過鳥行雲亦是空可是老僧親會得
故留一鑑表清風

陸竇

雪竇三瀑布

隱潭瀑布

藤昏石滑步蹒跚下及澄潭照膽寒練影如雲天半落
匡廬移作峽中觀

千丈巖瀑布

層巒躡屩翠煙生耳畔轟雷不住聲誰假神丁開半壁
玉龍中斷一盂擎

徐巖巖瀑布

攀條俯睇石稜稜罕地球萬斛增忽訝青天飛雨雹
空林驚起定中僧

李暎

伏翠庵

谿到門前世事分蕭然挈杖獨尋君縱然閒閉茅堂出

四明古蹟卷四

三

四明叢書

約園刊本

半住山光半白雲

袁德峻

西湖十洲追和宋人元韻

花嶼

風光多少到寒枝九十韶華好護持一自清明寒食過
游春三月倦題詩

芳草洲

一帶平蕪露未晞王孫情重別依依春風催醒江南夢
只恐春歸人未歸

柳汀

隔院鞦韆翠影搖春光漏洩短長條東風吹到三春晚
想見西湖六道橋

竹嶼

翠影叢中絕點埃詩人特訪此君來劇憐筍嫩栽培處
門掩蒼苔久不開

煙嶼

霧中看盡老年花寒夜歸來月滿沙不辨蒹葭秋水色
朦朧雲氣羃仙槎

西明古蹟卷四

三十四册叢書

約園刊本

芙蓉洲

每到秋深結錦囊何曾塗抹學春芳臨池仙子真清絕
瘦盡西風受盡霜

菊花洲

一自淵明曲徑開寒香點綴絕塵埃而今若箇稱真隱
孤負高人送酒來

月島

亭外煙波祠外洲爽人時節正中秋直將倒影空諸有
千古湖山一鏡收

雪汀

天女玲瓏費翦裁隨風飛舞落瑤臺漁人不信頭都白
何處蘆花撲面來

松島

春風冬雪又秋霜閱歷年年老更香千古貞心誰作伴
尙書橋畔一祠堂

全祖望

趙袁州梅花牆

塵甑魚釜擅清芬牆角橫斜有舊紋一洗乃翁鉤黨辱

四明古蹟卷四

三

四明叢書

初風刊本

侍郎橋下暗香聞

戴仲賢粟中齋

幕天席地漫稱雄世界都歸一粟中解得此心如穀種
箇中茂育正何窮

曾魯公祠

吾鄉法應祀南豐城郭湖山並有功未若此閒作檀越
谿毛歲歲薦齋宮

舒中丞園

十洲詩與梅花豔湖曲誰傳宿老家三復王郎憑弔句

我來亦自重咨嗟

施江濤

梨花山懷古

山號梨花誰錫名
支山月浸見縱橫
梨花不謝山山影
樞密風流賸月明

敝屣遺來宰相榮
梨花同夢訂山盟
錢湖何處無佳勝
纔屬簽書便有名

雲徑穿來路欲迷
祠荒忠定額猶垂
祇餘一片空濛色
未改當年煙雨奇

四明古蹟 卷四

三三 四明叢書

約園刊本

千峯浮白水悠悠
誰仰山高接近流
一自忠宣重肯構
梨花風月敵滄洲

山遊盡處復乘槎
且向煙波醉落霞
莫歎繁華易零落
舊家大半是梨花

詩餘

楊適

文亭館 長相思

南山明北山明
中有長亭號文亭
沙邊供送迎 東江
晴西江晴海上
潮來兩岸平行
人分權行

樓 鏘

雙檜堂 浣谿沙

夏半陽烏景最長小池不斷藕花香電影雷聲催急雨
十分涼 芡剝明珠隨意嚼瓜分瓊玉趁時嘗雙檜堂
深新釀好且傳觴

樓 杖

候濤山 沁園春

開闢以來便有此山獨當怒濤正秋空萬里寒催雁信
塵寰一簇輕算鴻毛小可詩情尋常酒量到此應須分

四明古蹟 卷四

三函 四明叢書

約園刊本

外豪難爲水算平生未有此番登高 飄飄身踏金鼇
笑終日風波無限勞看檣烏縹緲帆歸遠浦塵魚雜踏
網帶餘潮待約詩人相將月夜取次攜杯持蟹螯乘桴
意問誰人領解空立亭皋

吳 潛

老香堂

朝中措

衰翁老大腳猶輕行到淨涼亭近日方憂多雨連朝且
喜長晴 漫尋歡笑翠濤杯滿金縷歌情況有蘭朋竹
友柳詞賀句爭鳴

翫月臺 小重山

碧霄如水月如鉦今宵知爲我特分明冰臺玉界兩三星清露下漸覺溼衣輕高樹點流螢秋聲還又動客心驚吾家水月寄昭亭歸去也天豈太無情

四明窗 滿江紅

芳景無多又還是亂紅飛墜空悵望昭亭新處故山桃李柳眼花心都脫換蜂鬚蝶翅難沾綴漫相攜一笑競良辰香膠美金獸爇香風細金鳳拍歌雲賦儘秦簫燕管但逢場爾只恐思鄉情味惡怎禁寒食清明裏問此翁不止四宜休翁歸未

吳文英

澱山湖 滿江紅

雲氣樓臺分一派滄浪翠蓬開小景玉盆寒浸巧石盤松風送流花時過岸浪搖晴練欲飛空算鮫宮祇隔一紅塵無路通神女駕凌曉風明月佩響丁東對兩蛾猶鎖怨綠煙中秋色未教飛盡雁夕陽長是墜疏鐘又一聲欸乃過前巖移釣篷

陳著

西湖 如夢令

家在明山南住身在明山西路回首碧雲天自笑不如
飛鷺飛去飛去飛入明山深處

戴 澳

芙蓉園 山花子

樓瞰寒塘古木橫幽禽時對小窗鳴柳外何人停短櫂
理漁罾 俗客不來門晝掩疏籬新翦竹枝平茶鼎白
沙泉正熟聽松聲

劉天相

四明古蹟 卷四

三六四 明叢書

約園刊本

清道觀 蝶戀花

路轉峯回山骨瘦春色芳菲開徧花如舊箇裏玄都知
是否來遊不厭初還又 側耳黃鸝聲似溜翹首雲霞
五彩天然就我欲乘風知儘穀石牀且復眠清晝

四明古蹟卷四

丁丑夏吾師以所輯四明古蹟詩示杰謂山川名勝前輩題詠所及有未入郡邑誌者不敢使泯沒無傳杰受而讀之覺地靈人傑均堪不朽是年冬吾師夢兆奠楹梁木旋摧泰山失仰倏經六載茲將是編敬登梨棗剞劂告成不獲呈諸函丈爲泫然者久之道光壬午歲六月受業袁杰百拜謹識

四明叢書

四明叢書
約圖刊本

四明叢書

四明叢書
約園刊本